

清史紀事本末

清史紀事本末提要

有清一代文治武功內政外交創多於因皆闢
前古未有之局茲就宋袁氏通鑑紀事本末例
自滿洲初起至宣統讓位共成四十萬言都為
八十卷每事各詳起訖自為標題每篇各編年
月自為首尾二百七十餘年之紀載可以一覽
了然研究史事者不可不手此編

例言

一本書沿歷朝紀事本末之例於前清一代自初起以至退位二百餘年中事實擇其有關繫者分類條列各予標題共得八十卷於凡敘述一事皆首尾完具鉅細靡遺以備修正史者參攷之資料且以供學校及自修者研究之用

一各種紀事本末皆一依本史原文不加修飾張氏西夏紀事本末始雜取宋遼金元諸史谷氏明史紀事本末亦採集私家著述而成今清史未出本書大旨均取材於東華錄而酌刪其繁文彙參以諸家通行可信之書以成實錄宣統一朝則就近事之彰著耳目者據實直書之間有篇幅稍繁者以事實所關無省文也

一名從主人修史通例本書於凡稱帝稱諭稱朕之處悉仍東華錄原文惟滿清未入關以前或稱名或稱主殂時稱殂

一東華錄原書於滿清初起侈陳仙女朱果諸靈蹟於諸帝誕生備載聰明神聖種種頌揚之詞累牘連篇適足貽譏大雅本書於此等處嚴加芟雜但敘其種族之緣起及政治之現象不惟意存紀實且以破除迷信鬼神與崇拜君主之習慣

一清初於修明史時自神宗晚節事涉違礙者悉汰去不存意在泯其朝貢稱臣之實蹟而永樂十年十月入貢勅為建州左衛都督事見明史朝鮮傳萬歷十一年二月封龍虎將軍復給都督勅書事見東華錄今悉依原文書之

一諸私家記載崇禎甲申三月李自成陷京師皆大書明亡此殊未當清乾隆時通鑑輯覽將

成司事者於此亦即繫以明亡高宗不可且曰此偏私之見朕資郤之命於此處不得遽書明亡今於是篇書題曰燕京陷賊蓋本春秋大一統之義且以別於南京福京滇京也

一世入習知吳耿尚為清室三藩而楊氏三藩紀事本末則指明弘光隆武永歷三帝而言實為大悖昔南山戴氏之言曰今以弘光之帝南京隆武之帝閩越永歷之帝兩粵帝滇黔地方數千里首尾十七八年揆以春秋之義宜遂不如昭烈之在蜀帝昺之在厓州清高宗亦謂弘光可比宋代建炎隆武永歷可比帝昺帝昺命於通鑑輯覽以三帝終明代焉即緬甸蠻邦其王不允執送永歷帝曰彼天之所立中土之所戴況三帝在位時呂宋暹羅琉球安南諸國每歲貢使不絕歐羅巴人獻圖識即其與清室誼為敵國南北區分交兵構釁無虛日固未嘗如石晉之為契丹所立南宋之稱臣納幣於金元也乃猶藩之僭號之於情理豈得謂協乎今紀述三帝事實題曰明南渡三帝名稱正而書法為不悖已

一內政外交關係重要本書於清室內政各條述如奪嫡文字宗室大臣諸疑獄近如政變奉亂立憲內閣等事實均纂輯從詳毫無諱飾至於康熙以來之邊方用兵道咸以後之對外交涉凡關於國際邊事者尤必元元本本悉著於篇

一向來奏報公牘之習慣往往稱人民抵抗官吏者為匪為逆不知人民之暴動多由政治之未良雖間有一二暴徒為少數人謀私利並非殺民水火者要究不可以概論本書於此等稱謂酌加改易其有滿清舊時奏牘對於外國亦或稱夷稱寇者尤無意識茲特悉予釐正一本書內間有義甚簡單或止一人一事如乾隆之巡游不息和坤之尊寵用事駿加兵額收

通鑑路等類要皆繫於清廷盛衰興亡之故不容不設立專條特為紀纂左傳通鑑紀事本末即多此例

一清世二百餘年之學術變遷最繁關繫最切本書仿陳氏元史紀事本末之例設諸儒出處學問之概一篇取其大節足稱而學有益於人國者以次彙錄其以曲學阿世為社會風俗人心之害者亦於各節末附論之

一高氏左傳紀事本末輒附評論李氏遼金紀事本末中央腹釋本書亦略仿其例聞參末議於事託其地理官辭譯音互歧者逐一分註惟是編者見聞甚寡參攷復多未備尅成茲編恐多疏漏之處所望諸達者有以教之

清史紀事本末目錄

卷一

滿洲初起

卷九

明末成功之事蹟

卷二

遼瀋建國

卷十

明起義軍之失敗

卷三

明季戰爭

卷十一

開國法制兵制及官制

卷四

燕京陷賊

卷十二

康熙勅政

卷五

順治入關

卷十三

三藩起事及孫延齡

卷六

削平流寇

卷十四

準噶爾及西藏之兵事

卷七

多爾袞攝政及諸王內訌

卷十五

歐人通商布教及和議之開始

卷八

明南渡三帝及監國魯王

卷十六

臺灣朱一貴之亂

卷十七

治河之政策

嚴禁朋黨

卷十八

立儲之反覆

卷二十六

青海及準部之用兵

卷十九

官制之改革

卷二十七

俄打尼布楚條約及增訂市約

卷二十

文字之獄

卷二十八

乾隆極盛

卷二十一

鴻博經學諸特科

卷二十九

增加兵額

卷二十二

諸儒出處學問之概

卷三十

苗族及金川之征勦

卷二十三

雍正英察

卷三十一

準部及回部之平定

卷二十四

兄弟猜忌及大臣之逐戮

卷三十二

西南諸國之賓服

卷二十五

臺灣林爽文之亂

卷三十四

和珅之貪橫

平定之役

卷四十三

卷三十五

巡遊之無度

開礦之弛禁

卷四十四

卷三十六

內禪之真相

鴉片之戰爭及和約

卷四十五

卷三十七

嘉慶中衰

咸豐時政

卷四十六

卷三十八

各省之叛亂

英法聯軍入京及和約

卷四十七

卷三十九

中英交涉之變態

俄訂愛璦天津北京諸條約

卷四十八

卷四十

道光世局

湘軍陸師之編制

卷四十九

卷四十一

同部張格爾之役

湘軍水師之編制

卷五十

卷四十二

同治中興

卷五十一

太平天國之興亡

英訂烟臺條約及續約

卷六十

卷五十二

捻事之起滅

法越兵事及和約

卷六十一

卷五十三

日本訂約

藩屬之喪失

卷六十二

卷五十四

天津教案

創設海軍及改練陸軍

卷六十三

卷五十五

平靖滇回

興辦鐵路

卷六十四

卷五十六

光緒入繼

甲午戰事及和約

卷六十五

卷五十七

平定新疆及收回伊犁條約

疆域之喪失及軍港租借條約

卷六十六

卷五十八

通使及選派留學

戊戌政變

卷六十七

卷五十九

拳匪之亂及庚子和約

卷六十八

親貴用事

自立軍之失敗

卷七十七

卷六十九

假飾立憲及組織貴族內閣

復詔變法

卷七十八

卷七十

開設資政院

日俄之戰

卷七十九

卷七十一

鐵路國有政策

改訂藏印條約

卷八十

卷七十二

民軍起事及下詔解位

光復軍之傾挫

卷七十三

預備立憲之宣示

卷七十四

諭禁鴉片之嚴厲

卷七十五

宣統嗣立

卷七十六

清史紀事本末卷一

滿洲初起

明神宗萬曆十一年春二月。以滿洲部努爾哈赤襲建州左衛都督。授龍虎將軍。滿洲先出肅慎氏。古通古斯族也。有虞氏二十五年。始通中國。獻弓矢。稱恩慎。周初數入朝貢。又稱復慎。蓋恩復與肅音轉之訛也。東漢時亦稱挹婁。其西南別部為扶餘。有今開原以北地。東南別為諸沃沮。即高集譯言森林。有北沃沮。南沃沮。東沃沮。諸部北魏時諸部分裂為七。曰粟末。曰伯咄。曰安車骨。曰佛提。曰號室。曰黑水。曰白山。總謂之勿吉。隋唐時稱靺鞨。則南北方言譯對之異也。七部之中。以黑水粟末為強。始附高麗。姓大氏。名乞仲象。唐初李勣破高麗。大氏退保東牟山。在瀋陽東二十里。睿宗朝封其部長大祚榮為渤海郡王。遂改國號曰渤海。黑水初亦附高麗。其部長突利稽嘗以兵十五萬助高麗。敗唐太宗於安市。在蓋州東北七十里。開元十年二月。其帥倪屬利稽入朝。置黑水郡。拜都督。授雲麾將軍。兼黑水經略使。賜姓名李獻誠。後服屬渤海。與中國絕。後唐明宗天成元年。通古斯族別部曰契丹。即遼國。滅渤海。黑水又附於遼。而新得回復其故土。更號曰女真。後避契丹主宗真諱。更為女直。一世居混同江。即松花江。之東。長白山下。在南岸者。隸遼。曰熟女真。在北岸者。不隸遼。曰生女真。即新滿洲。生女真之始祖哈富。自高麗徙居完顏部。阿勒楚喀河側。遂為完顏部人。傳至景祖烏古迺。當宋仁宗寶元時。遼以為生女真節度使。五傳至太祖阿骨打。於宋徽宗政和三年。自立為女真主。叛遼。數破遼兵。征服混同江附近諸部。越二年。建國號曰金。以國產大金及有金水源故。

至宋理宗端平元年宋人與蒙古（即元室）聯軍滅之。蒙古入主中夏後，其遺族散居混同江南北，共存三部，曰建州、曰海西、曰野人。明初仿唐竊原州之制，分建衛所，而建州衛境內有滿洲部五，長白山部三，清室之先，即為滿洲部內之一。滿洲本作滿珠，二字皆平讀，音近曼珠。有國之初，每歲西藏獻丹書，皆稱曼珠師利大皇帝，繙譯名義，曼珠為妙吉祥，又作曼珠師利，為釋迦牟尼師毘盧遮那之本師，殊珠音同室師一音。當時建號之義，實取於此。後漢字相沿，誤為滿洲，則因洲字義近地名，假借用之耳。貴則部族而非地名也。其姓曰愛新覺羅氏，以其國語謂金曰愛新，覺羅則姓氏之義，言即金姓，與金原為同族也。當金之末造，有名布庫里雍順者，始定居於長白山東南俄漠患之野，俄朵里城（在瑚爾哈河源勒福善河西岸，去寧古塔西南三百餘里，近金上京地），數傳而後，遺國內亂，舉族被戕，幼子范察遁荒野得免，又數傳至孟特穆（後追諡肇祖），永樂十年十月入貢，勅為建州左衛都督。孟特穆生有智略，慨然有恢復之志，許誘先世仇人之後四十餘人，至蘇克蘇許河虎欄哈達山下，誅其半以雪其仇，釋其半以為用，遂定居赫圖阿喇（在蘇克蘇許河嘉哈河之間，後稱興京），即建州左衛地也。孟特穆之長子充善生子三，其季子錫寶齊為古生子福滿（後追諡興祖），福滿生子六，覺昌安（後追諡景祖）居第四，承先業居赫圖阿喇地，其餘五子各築城環衛而居，近者四五里，遠者約二十里，稱為寧古塔六貝勒（寧古六數塔個也，貝勒總治官名），是時近地部落中有碩色納加虎二族，每恃強侵陵諸路，覺昌安多才智，子禮敦又英武，率諸貝勒往攻之，破碩色納子九人，滅加虎子七人，盡收五嶺東蘇克蘇許河西二百里內諸部，由此國益強盛。覺昌安第四子為塔克世（後追諡顯祖）

一塔克世長子努爾哈赤。長有武略。善騎射。其國人稱之曰聰睿貝勒。先是蘇克蘇河部之圖倫城（吉林城西南五百六十里）有尼堪外蘭者。故塔克世部人陰導寧遠伯李成梁兵。攻古勒城（圖倫東十里）。城主阿太章京。故建州衛都指揮王杲之子。其妻乃禮敦女。覺昌安聞警。恐女孫被陷。偕塔克世。引兵入城。城據山依險。守禦堅。急切不能下。尼堪外蘭說城中人殺阿太。出降。已而盡屠之。覺昌安父子皆為所殺。努爾哈赤聞之大恚。詰達吏事。聞遣使歸其喪。與勒三十道馬。三十匹。封龍虎將軍。復給建州左衛都督勅書。俾其襲職。夏五月。努爾哈赤起兵取圖倫。先是使者至建州。努爾哈赤復請執送尼堪外蘭。使者不許。努爾哈赤恨益深。日夜以復仇為念。至是親率其父遺甲十三副。往攻圖倫。尼堪外蘭豫知之。先期遁往甲版（在承德縣東一百十里）。努爾哈赤克其城而歸。秋八月。努爾哈赤率兵攻甲版。尼堪外蘭奔至撫順。所欲入邊。邊吏不納。乃逃於鵝爾渾（在齊齊哈爾城西南三十餘里）。築城居之。時諸部中隔。追兵不得越境。至努爾哈赤乃次第收復近部。為進取之計。

十二年秋七月。滿洲侵董鄂（屬建州衛之滿洲部）。一城垂陷。會大雪。罷攻。努爾哈赤率眾伏漢烟中。城內謂兵已退。引眾出。努爾哈赤突出擊之。頗有斬獲。

十三年夏四月。滿洲侵哲陳（屬滿洲部）。哲陳諜知之。起托漠河。章甲把爾達。撤爾湖。界凡五城之兵迎拒。努爾哈赤率弟穆爾哈齊及近侍顏布祿兀凌噶。直前奮擊。射殺二十餘人。敵兵爭渡河而遁。復率兵追斬四十五級。又與穆爾哈齊追至吉林屋。敵兵多墜崖死。既收軍。努爾哈赤喜曰。今日之戰。以四人而破八百之眾。天助我也。秋九月。滿洲攻蘇克蘇河（屬滿洲部）。

之安土瓜爾佳城破之殺其城主諾一漢混

十四年夏五月滿洲攻渾河（屬滿洲部）之播一混寨拔之。秋七月滿洲攻哲陳之托漢河下其城即星馳往鴉爾渾城攻克之。尼堪外蘭逃至邊努爾哈亦遣使者齊薩等四十人來請遣史執尼堪外蘭付齊薩殺之。

十五年春正月滿洲於碩里口虎欄達東南加哈河兩界中之平岡築城三層並建宮室。夏六月滿洲破哲陳之山寨殺寨主阿爾泰。秋八月滿洲已圖齊額亦都率兵取把爾達城努爾哈赤自率兵取洞城城主扎海降。

十六年夏四月哈達（屬海西衛之扈倫部）貝勒危爾干以女歸滿洲努爾哈赤納之同時蘇完部主索爾果董鄂部之何和哩雅爾古寨之扈利虎先後率本部軍民歸之努爾哈赤以索爾果之子費英東佐理政務以長女妻何和哩以扈利虎子扈爾漢為養子任侍衛時努爾哈赤招徠各路歸附日衆環境諸國有拒命者皆削平之國勢日盛。秋九月滿洲攻克王甲城殺其城主戴度墨爾根。

十七年春正月滿洲攻兆佳城克之殺其城主寧古魏。

十九年春正月滿洲略長白山部（屬建州衛）之鴨綠江路盡收其衆疆域日廓葉赫（屬扈倫部）貝勒納林布祿聞之懼不利於己遣使告努爾哈赤曰扈倫滿洲言語相通勢同一國今所有國土爾多我寡盡於額爾敏扎庫木二地割一與我努爾哈赤叱之即日還歸。

二十一年秋九月葉赫糾合扈倫部之哈達輝發烏林及蒙古之拜爾沁錫伯卦勒察長白山部之朱

舍里納。九國聯軍侵滿洲。陣渾河北岸。努爾哈赤引軍禦之。至扎喀城。語諸將曰。彼部長多。兵皆烏合。我以逸待勞。傷其貝勒一二人。其衆自潰。我兵雖少。奮力一戰。可必勝也。遂於旦日移。半古呼山。據險而陣。發百騎挑戰。葉赫西城貝勒布寨。科爾沁貝勒明安。爭先突進。布寨墜馬被。殺。明安陷淖。易馬遁。聯軍遂潰。努爾哈赤縱兵撿擊。斬級四千。獲馬三千匹。鎗矛千計。俘烏喇貝。勒之弟布占泰。自是軍威大震。冬十月。滿洲攻朱舍里路。獲其路長紆楞格以歸。閏十一月。滿洲遣巴圖魯額亦都費揚古等。督兵攻圍訥殷之佛多和山寨。三月乃下。斬寨長搜穩寨克什。二十三年。夏六月。滿洲攻克輝發之多壁城。新城守克充格蘇猛格二人遁。

二十六年。春正月。滿洲遣貝勒褚英。統兵侵安褚拉庫路。取其屯寨二十餘所。

二十七年。春二月。滿洲以蒙古字。製為國語。創立滿文。頒行國中。三月。始開金銀礦。鑛冶。秋九月。滿洲攻滅哈達國。先是葉赫與哈達構兵。哈達貝勒孟格布祿。遣質子至滿洲。乞援。努爾哈。赤遣費英東率兵二千往助之。葉赫貝勒納林布祿。投書哈達。使其誘執滿洲援將。戮其援軍。許。妻以女孟格布祿惑其言。許之。會事洩。努爾哈赤親往哈達攻其城。克之。大將揚古利。生擒孟格。布祿。盡服哈達屬城。哈達國亡。

三十二年。春正月。滿洲兵侵葉赫。克其二城。曰張。曰阿氣蘭。取其二寨。俘二千餘人還。

三十五年。夏五月。滿洲遣貝勒巴雅喇等。率兵侵渥集。(屬野人衛。即東海部)取赫席黑俄漠。和蘇魯。佛訥赫。挖克索。三路之地。以其並附烏喇故也。秋九月。滿洲攻滅輝發國。

三十六年。春正月。滿洲侵烏喇。克其宜罕阿麟城而還。前遼總督塞達。遣使與滿洲訂約。先是

塞遠於春間疏陳東方隱憂宜早為備。朝命守臣嚴備邊。至是遣遼東副將及撫所備禦與滿洲訂兩國臣民各守邊境之約。建碑於沿邊諸地。

三十七年。冬十二月。滿洲遣侍衛厄爾漢取渥集部所屬之渾野路。

三十八年。冬十一月。滿洲遣巴圖魯額亦都率兵侵渥集。取那木都魯。綏分。寧古塔。尼馬察。四路。三十九年。秋七月。滿洲遣台吉阿巴泰率兵侵渥集。取烏爾古辰。木倫。二路。冬十二月。滿洲遣額駙何和哩率兵攻克渥集之扎庫塔城。

四十年。秋九月。烏喇兵侵滿洲虎爾哈路。努爾哈亦自將禦之。時軍勢甚盛。烏喇兵懼不戰而逃。滿洲兵追之沿岸而下。克其臨河五城。又取其金州城。駐軍。

四十一年。春正月。努爾哈亦親率兵侵烏喇。至伏爾哈城。攻拔之。烏喇國亡。時厄倫四國已滅其三。葉赫大懼。使使來告急。遣游擊馬時祺。周大岐率礮兵千人前往守衛。又駐軍開原。以防其內。偏。努爾哈亦投書撫順所游擊李永芳。請中國嚴守中立。不報。

四十二年。夏四月。遣使入滿洲責貢。滿洲貢使不至。遼撫郭元復遣材官蕭伯芝往詰。伯芝入境。責郊迎禮。努爾哈亦屬索紐迎於道左。供張甚盛。伯芝詰比年絕貢之故。努爾哈亦以歲歉對。請明年貢市如初。厚贈伯芝以歸。冬十一月。滿洲侵渥集之雅攬。西臨二路。收降民二百戶。俘十人還。

四十三年。冬十一月。滿洲攻渥集之額納喀庫倫。克其城。俘獲萬人。收撫其居民五百戶而還。

清史紀事本末卷二

遼瀋建國

明神宗萬曆四十四年春正月滿洲努爾哈赤稱帝先是努爾哈赤子代善等以努爾哈赤功德日盛議上尊號奉表勸進至是即位貝勒大臣等共上尊號曰覆育列國英明皇帝定國號曰滿洲建元天命秋七月滿洲主命大臣扈爾漢等率師侵東海之薩哈連部取兀爾簡河南北三十六寨遂引兵渡黑龍江復取其十一寨又招服使犬路諾洛路石拉忻路路長四十人

四十五年春二月滿洲收服東海沿邊散居諸部其高居險不服者乘小舟盡取之而歸

四十六年夏四月滿洲主將兵侵邊臨行以七大恨誓師略曰明邊吏輕用尼堪外蘭之謀無故故驚害我祖父恨一也明不守盟約逞兵越界衛助葉赫恨二也明邊民每歲踰境行竊依約當殺而明又以擅殺為詞脅取十人抵罪邊境恨三也明越境以兵助葉赫致我已聘之女改適葉赫古恨四也我國人民於紫河三岔撫安等路皆鈔（當今鐵嶺縣東南境）耕田藝穀明不容刈獲遣兵驅逐恨五也葉赫淪盟召繫而明乃偏信其言遣使詰苦肆行陵侮恨六也哈達助葉赫二次未侵既被征服明又脅服其國恨七也於是分兩路進兵今左翼四旗兵取東州（承德縣東南百一十里）馬根單（赫圖阿拉城西南二百十里）二堡自率右翼四旗兵及八旗護軍乘夜雨新霽馳抵撫順遊擊李永芳出降東州馬根單二城及臺堡寨共五百餘悉下尋毀撫順城而退廣寧總兵張承蔭遼陽副將顏廷相海州參將蒲世芳率兵一萬往追滿洲主廻軍相拒會大風西向揚塵滿洲兵順風縱擊追兵不支遂潰自承蔭以下廷相世芳及遊擊張汝貴等皆

戰死。五月滿洲兵進邊。陷撫安堡。花豹銜三岔大小堡。凡十一。六月廣寧巡撫李維翰遣使至滿洲議和。並索還俘獲。滿洲主不許。秋七月滿洲圍清河城。守將鄒儲賢張旆以兵一萬固守。攻城兵樹雲梯。冒矢石而上。守兵皆潰。儲賢旆及兵萬人殲焉。

四十七年春正月滿洲主征葉赫。取克亦特城。粘罕寨。至葉赫城東十里大小屯寨二十餘。及蒙古遊牧畜產。二月遼東經略楊鎬集兵瀋陽。分四路攻滿洲。每路兵六萬。其左翼中路以杜松王宣趙孟麟張銓督之。由泮河出撫順關。撫順所東二十里。右翼中路以李如柏賀世賢關鳴泰督之。由清河出鴉鵲關。今鳳凰城西北境。左翼北路以馬林麻岩潘宗顏督之。由開原合葉赫兵二萬。出三岔口。右翼南路以劉綎原應乾督之。會朝鮮兵二萬。出寬甸口。鳳凰城東北二百九十里。向董鄂路。約合趙滿洲之都城。三月左翼中路杜松兵出撫順關。以三萬餘衆屯薩爾浒山。與京城西北二十里。自引兵二萬圍鐵背山上之界凡城。方督軍仰攻吉林。屋守屋騎兵帥築城。夫役自山馳下衝擊。適滿洲援界凡之二旗兵亦至。夾攻之。杜松中矢陣歿。士卒死者無算。是夜馬林率北路軍陣富勒哈山。鐵嶺縣東南百里。東北尚間屋之麓。環營濬壕。外列火器。繼列騎兵。潘宗顏一軍據飛谷山。龔念遂一軍屯幹輝那。各距尚間屋數里。皆列大車。持堅盾。滿洲主督諸貝勒移軍北進。與念遂軍遇。大敗之。念遂戰死。乃進薄尚間屋。馬林軍迎戰。力竭死傷相屬。林僅以身免。滿洲軍馳往飛谷山。攻潘宗顏。宗顏全軍盡沒。葉赫兵於中途聞敗報。遁去。時劉綎軍已近偏滿洲之都城。滿洲主聞警。急遣大臣扈爾漢貝勒阿敏先後引兵往禦。自督大軍繼進。綎分軍為四。自率所部精銳為前軍。先入。至阿布達里間。將登山列陣。貝

勒皇太極已引右翼兵先登。據高下。擊貝勒代善。又率左翼兵自山之西至。夾擊之。賊軍遂潰。純力戰以死。後軍亦潰。諸貝勒既破賊軍。從乘勢迎擊康應乾所部步兵。及朝鮮兵二萬人皆戰沒。應乾遁走。朝鮮都元帥姜弘烈帥餘衆降。楊錫闡三路兵既急。檄總兵李如柏。副將賀世賢。還軍。夏六月。滿洲主圍開原城。總兵馬林出守兵大半。陣四門外。督餘衆守城。攻城兵乘虛登上。降兵四潰。林及副將于化龍遊擊于守志守備何懋官皆戰死。內外守兵盡殲焉。師還至界凡募城治屋廬以居。秋七月。滿洲兵攻陷鐵嶺城。遊擊喻成名。史鳳鳴。李克春死之。八月。滿洲主侵葉赫。圍其東西二城。東城潰。金台吉被執。不屈死。布揚古以西城降。葉赫圍亡。

光宗泰昌元年。秋八月。滿洲兵侵懿路。蒲河二路。冬十月。滿洲主自界凡達於撒爾湖。建軍民廬舍。至十一月乃成。

熹宗天啟元年。春一月。滿洲主統軍分八路。略奉集堡。三月。滿洲兵進攻瀋陽。總兵賀世賢尤世功分兵來城守。環城掘壕壘數重。晚以檣柵列巨礮其上。守具甚堅。滿洲兵距城七里而軍。遣騎兵挑戰。陽敗以誘師。世賢出兵迎戰。遇伏而敗。世賢世功及參將夏國卿。張綱。知州段展。同如陳柏等。相繼陣歿。城遂陷。時總兵陳策。參將張名世。遊擊周敦吉。都司秦邦屏等。督四川步兵二萬渡渾河。營於河北。副將董仲貴。參將張大斗。統步兵萬餘。營於河南。奉集堡。總兵李秉誠。武靖。營總兵朱萬良。姜弼。領騎兵三萬。營於白塔鎮。滿洲主遣右翼四旗襲擊川兵。盡殲其衆。皇太極引兵掩擊白塔鎮。東誠等皆敗。遶遼河。圍浙營。仲貴等力戰死。瀋陽既捷。乘勢長驅。以取遼陽。照舊哀應泰決太子河水注城壕。火器環列。自督諸將出戰。滿洲主遣左翼四旗及後軍精銳夾擊之。

城破應泰登城樓自焚死。官吏將士殉節者尚十餘人。遼河以來堡寨營寨及海蓋金復諸衛大小七十餘城俱降。滿洲主集貝勒諸臣議曰：遼陽之地乃明及朝鮮蒙古接壤要害。宜即居之。遂定議遷都。秋七月，滿洲遷鎮江堡沿海居民於內地。金州民於復州。先是遼瀋雖陷，援遼都司毛文龍帥師至皮島（今海洋島）招集流亡分布哨船聯接登州為犄角計。詔授文龍參將。適鎮江堡（鳳凰城東南百二十里）城中軍陳良策通敵。文龍引兵取鎮江城。良策執城守遊擊佟養真殺其子豐年並從者六十人以降。同時湯站險山二堡亦執守堡官陳九階李世科來投文龍。滿洲主聞警命子皇太極等遣其民內徙。

二年春正月，滿洲主督兵渡遼河圍西平堡。守將羅一貴高邦佐死之。遊擊孫傳功等俱降。兵至廣寧城堡守禦官帥衆降者凡四十餘。至山海關。經略熊廷弼廣寧巡撫王化貞先後護難民入關盡焚積聚而走。滿洲兵遂進臨義州。廷臣請速廷弼化貞二人並論死。二月，蒙古兀魯特部貝勒明安等三千餘戶並歸附滿洲。三月，滿洲營新城於遼陽城東五里之太子河邊。建宮室自赫圖阿剌徙都焉。名曰東京。（後稱盛京）

三年春正月，喀爾喀部台吉拉巴西希璧等五百戶歸附滿洲。夏四月，滿洲主命台吉阿巴泰等帥師征扎魯特部。殺貝勒昂安父子。執貝勒鍾嫩子桑土之妻子而歸。

四年夏五月，毛文龍遣兵侵滿洲輝發地。守將蘇爾東敗之。秋八月，滿洲主命大臣楞額禮吳善引兵襲皮島。島兵大潰。焚島中積聚而還。

五年春正月，滿洲貝勒莽爾古泰統兵攻旅順口城克之。毀城而歸。三月，滿洲主集貝勒諸臣

議遼都瀋陽謂瀋陽形勝之地若有事明遼則西渡遼河路直且近北伐蒙古則二三日可到南
征朝鮮則可由清河路以進遂於瀋陽建新都遼馬名曰盛京是月征東海瓦喀部兵引遼夏
六月毛文龍攻耀州久無功引軍還秋八月寧遠城山海關二路兵攻耀州大敗毛文龍兵襲
海州所屬張屯寨亦不克冬十月滿洲征東海虎爾哈封開察兵引還十一月滿洲獲科爾
沁部之格勒珠爾根城兵至察哈爾解圍去

六年春正月滿洲大舉入侵至寧遠越城五里橫截山海關大路而軍寧遠道袁崇煥與總兵滿
桂等嬰城固守滿洲軍進攻城上發西洋巨礮一發傷數百人再攻再却圍遂解時關外軍餉皆
積覺華島滿兵襲之舟車糧草悉為所焚滿洲主還瀋陽語諸貝勒曰朕自二十五歲用兵以來
戰無不勝攻無不克何獨寧遠一城不能下耶不憚累日夏四月滿洲主親征喀爾喀部分八
路進兵至巴林部貝勒囊奴克寨囊奴克中矢墮馬死渡西拉木輪河大掠而還五月毛文龍
兵侵鞍山驛與撒爾湖皆不克秋八月滿洲主努爾哈赤殂於瀋陽之殿雖僅行次年六十有
八葬於承德縣之石砬頭山號福陵崇德元年追諡武皇帝康熙元年改諡高皇帝廟號太祖

清史紀事本末卷三

明季戰爭

明熹宗天啓七年春正月滿洲遣使還寧遠巡撫袁崇煥書議和先是崇煥總統關內外諸軍聞滿洲新喪欲來間修復錦州大小凌河諸城為持久計遣使偕喇嘛僧一人致弔因以覘虛實滿洲主皇太極遣使報之至是使者再至要求償金及歲幣數各鉅萬崇煥覆書言書中有不順語難以奏聞時滿洲兵已入朝鮮先後陷義州定州安州平壤等處盡屠其軍皮島都司毛文龍屯守鐵山亦敗走滿洲兵渡大同江次中和遣使致書朝鮮主詰責備至二月滿洲遣臨朝鮮之黃州朝鮮主李倬出奔江華島滿洲兵至瑞興朝鮮主上書請成使者往反協議以三月和成約為兄弟之國貝勒阿敏縱兵大掠三日而還夏四月滿洲再遣使還書袁崇煥及喇嘛請以遼東歸滿洲凡遼西地方所有城堡明人不得加以修葺竝言以後兩國通問書式明皇帝不得與天並列明諸臣亦不得與滿洲主竝列各當遞降一格崇煥還書言滿洲當將已綏佔領之遼東地方及俘虜酌議還付竝撤回朝鮮鎮守兵以後不得再遣兵朝鮮事聞朝旨咎其非計數相戒崇煥又多方意見不合和議亦卒無成五月滿洲大舉攻遼西時大凌河城工未竣總兵趙率領所屬圍之不克移軍薄寧遠崇煥令諸將背城據壕以車為營環列槍礮滿洲軍陽退以誘崇煥為劫掠眾進擊大敗士卒死傷無算回軍攻錦州又以壕廣不得進毀大小凌河城而還

冬十一月魏忠賢伏誅

八月熹宗崩思宗立

恩宗崇禎元年夏四月復起袁崇煥督師討遼

二年夏六月袁崇煥殺皮島總兵毛文龍崇煥自寧遠一捷頗自矜謂滿洲人已破膽可望獻地講和及再起召對遂言五年可滅滿洲慮文龍識其詐深忌之至是以聞兵為名泛海抵雙龍島以計誘文龍誣以十二罪殺之自是島弁離心不為用其後孔有德耿仲明尚可喜等相繼叛去全島盡屬於滿洲矣冬十月滿洲主帥師入遼以喀喇沁台吉布爾為嚮導先是滿洲偵知遼西有備故取道蒙古進兵十一月滿洲兵由喜峯口毀邊牆入圍遼化城陷巡撫王元雅自縊死越半載聞變赴援亦戰殲滿洲兵遂趨薊州越三河略順義進逼北京總兵滿桂帥師相拒於德勝門外值袁崇煥自山海關入援督諸路勤王軍營廣梁門外滿洲主素畏崇煥用反間詭縱所獲楊太監歸告於朝謂崇煥與滿洲有密約時都人士驟遣兵怨謗紛起指崇煥擁兵坐視朝士亦因前通和議誣其召兵脅和將為城下之盟恩宗亦以崇煥擅殺文龍疑其有異志下之獄十二月滿洲分兵陷固安良鄉回軍至蘆溝橋破創將申甫營進次永定門總兵滿桂迎拒戰死昇遣使持議和書置德勝安定兩城門外皆不報遂移軍越通州而東

三年春正月滿洲攻陷永平回軍襲兵部侍郎劉之綸兵於遼化城外盡殲其衆之綸戰殲之綸亦自製木為西洋大小礮用以擊滿洲兵死傷甚衆後以礮裂復奮關十二小時全軍盡沒之綸亦被創死滿洲兵遂拔遼安瀋州分兵向山海關守將官惟賢力戰禦之還攻撫寧昌黎皆不克復遣書議和不報二月滿洲撤兵還瀋陽夏五月華州監軍道張春等攻復瀋州滿洲貝勒阿敏時拂重兵屯永平見軍勢甚不敢赴援屠城中官民偕遼安及遼化守將秦城逸春等追擊之

繫殺甚衆。關內四城皆復。

四年秋九月。滿洲軍圍大凌河。初。督師孫承宗恢復關內。更理關外舊疆。以七月興工。築大凌河城。晝夜催督。工程甫半。而滿洲軍驟至。圍之數周。以城守堅固。攻之不免。遼東巡撫邱嘉禾與總兵吳襄宋偉等聯軍赴援。滿洲主見其列陣嚴整。不敢迎擊。引軍還。聯軍於是夜趨大凌河。陣長山口。滿洲主督軍進擊。偉等堅陣不動。襄復縱火逼滿洲軍。忽反風熾。襄營裏遁走。偉亦以力盡引退。冬十月。大凌河守將祖大壽以城降滿洲。大壽堅守三月。城中糧盡。殺人馬以食。滿洲主屢以書招之。至是降。奉獻之還錦州。約為內應。毀其城而還。

五年夏六月。滿洲兵攻察哈爾。降其部落數萬。先是滿洲主累歲用兵遼西。皆無功。則以察哈爾阻隔長城之北。致其兵不能深入腹地。至是移兵攻之。部長林丹汗帥衆西遁。其部落皆降。

七年夏五月。滿洲主將兵渡遼河。秋七月。滿洲兵入上方堡。縱掠至宣府右衛。分兵攻龍門新城。懷仁并坪。小西城。赤城皆不克。八月。滿洲兵圍大同。亦不克。攻城兵死傷相屬。閏八月。滿

洲主班師。退出尚方堡。遣二十里駐營。時察哈爾部長林丹汗已殂。其妻實土門福魯攜國人來降。滿洲主納為妃。九月。滿洲主還都。

八年夏四月。滿洲貝勒多爾袞往收察哈爾部落。林丹汗子額哲帥餘衆奉中國歷代傳國璽降。九年夏五月。滿洲主更國號曰清。改元崇德。羣臣共上尊號曰寬溫仁聖皇帝。時鄰邦一致承認。獨朝鮮主有違言。時朝鮮國書歧無不順語。諱譯官有意挑釁。故將原文錯誤。激國主怒。致決裂。將往侵之。恐為中國兵所牽制。議先入擾。夏六月。清主命英郡王阿濟格等分道入遼沿

達大掠出冷口關而歸。冬十二月清主親征朝鮮分兵屯遼河及海口以防中國師次沙河堡命睿郡王多爾袞等統兵自寬甸入長山口。豫郡王多鐸等帥師潛襲朝鮮之國都朝鮮主遣保南漢山清軍圍之。

十年春正月清主渡漢江營於北岸。初朝鮮事急乞援於中國。玆檄國中諸道勦王兵。中國時方苦流寇不暇顧藩屬登萊總兵陳洪範帥舟師救之出海阻風不得渡。其國中諸道援兵亦相繼奔潰不敢前。多爾袞督造小舟進擊江華島獲朝鮮王妃王子及宗室大臣家口。清主兩次以書諭降朝鮮主獻中國所給敕印。帥羣臣步行出降。約歲時貢獻表賀。約成乃還其君臣家屬留其二王子為質。

十一年秋九月清多爾袞及弑王岳託等分道入塞。剿遼總督吳阿衡敗死。總監高起潛迎戰於牛關山亦敗。清軍遂由蘆溝橋趨良鄉下畿輔城四十八。詔盧象昇督師迎拒。象昇主戰兵部尚書楊嗣昌主和。各持一議不相下。清軍已分三路深入。一由涞水攻易州。一由新城攻雄縣。一由定興攻安肅。象昇自涿州進駐保定令諸將分道出禦。大戰慶都猶未敗。鯁而一時列城望風失守。嗣昌遽奏落象昇尚書銜。著仍以侍郎督師。象昇為嗣昌所扼。兵單餉乏。進至鉅鹿起潛相距五十里乞援不應。象昇兵僅五千。行至萬水橋遇清軍圍之數重。象昇奮關身中四矢三刀。手格殺數十人乃死。一軍盡亡。起潛聞賊帥象遷先是帝一日召對六部楊嗣昌言有盈城盈野善戰者服上刑等語。帝厲聲責之曰。今天下一統與孟子列國兵爭時不同。今不過一屬夷小醜縱不能伸大司馬九伐之威奈何為是言耶。玆戒以今後勿復言。後論星變嗣昌又引漢武敗塞元和

宣慰太平興國連年兵敗諸故事給事中何楷奏駁而帝反謂樞臣不必深求其得君之專如此
十二年春正月清軍自德州渡河連臨山東州縣十六山東重兵已為嗣昌撤移德州濟南空虛清
軍至德王由樞以城潰被執三月清主命降將恭順王孔有德等以破圍攻松山副將金國鳳
死守不下有德等復請穴地攻城亦無功圍遂解

十三年春三月清軍分略錦州寧遠清主知寧錦諸城不破不能得山海關山海關不下不能圍
中原是年命諸王貝勒等更番往略松杏寧錦而相持曠歲未有成功

十四年春三月清兵圍錦州城中蒙古兵內應破其外城夏五月連剿總督洪承疇等帥八總
兵師十三萬赴援屯寧遠錦州間城守祖大壽遣卒自城中逸出傳語以車營逼敵毋輕戰承疇
持重不發而朝旨趣戰遂進兵陣於松山城之北秋八月清主親統兵至環松山而營遣阿濟
格等奪獲其輦架山之積聚英三桂等六總兵同時遁去中途為伏兵邀擊死傷無算臨海死者
尤衆承疇等入松山固守

十五年春二月松山副將夏承德遣子夏舒約清兵乘夜登梯登城清軍夜至遂援之總督洪承
疇被擒巡撫邱民仰總兵曹變蛟王廷臣皆死之錦州城內亦因糧乏祖大壽帥衆出降杏山塔
山皆下夏五月清主俘洪承疇入盛京承疇降清主喜謂近侍曰吾欲取中原然如替者之不
識塗徑今得承疇猶水母之有蝦也時北京傳承疇不屈死帝驚悼甚詔設壇都城賜祭十六鼓
命建祠鄰城外承疇民仰並列將親臨奠方祭第九壇而承疇生降之信至乃止冬十月殺兵
部尚書陳新甲新甲由武舉歷任本部楊嗣昌薦以自代為政局地也帝亦欲藉款以紓目前遂

遣馬紹愉等至建州。清不表謝。而復得嬖書。帝大悔。愾後。新甲復申其說。再遣紹愉行。方至義州。清主欲殺紹愉。紹愉適歸。新甲由是得罪。十一月。清兵至邊。毀長城而入。自剡遼分道而下。直抵泉州。凡攻克八十八城。

十六年夏四月。清軍自山東還。至近畿。所至屠掠一空。京師大震。大學士周延儒自請督師。及出次通州。不敢進。清兵至懷柔。剡遼總督趙光祚。會諸軍邀戰於螺山。皆潰。總兵張登科和應薦敗。延儒偵清兵還。乃言兵退。請下兵部議。諸將功罪。遂反北京。秋八月。清主皇太極殂。初。清家妃於十四年九月病卒。時清主方督軍攻松山。聞訃。馳返京城。居闕。雖宮。朝夕悲慟。遂患腦病。語言昏謄。無緒。至是殂。年五十有八。葬承德縣之隆業山。號昭陵。子福臨立。是為世祖。以明年為順治元年。方議出兵。侵中國。值流寇長驅入北京。吳三桂乞師書至。遂乘機入中夏。取明而代之。

清史紀事本末卷四

燕京陷賊

明思宗崇禎十七年春正月朔帝視朝朝班亂舊制文臣朝班在東武臣朝班在西是日帝御殿朝臣至者僅一錦衣衛奏言百官未聞鐘鼓聲不知駕出蓋是日帝視朝過早也帝命鳴鐘久之仍未至乃詣太廟後受朝而司禮奏言鑾輿未備乃諭受朝後拜廟再登座羣臣始踉蹌至以帝注目視不敢由中門過於是文官入武班而轉至東班武官入文班而轉至西班趙成禮而遇大風竈時占者謂風從乾起主暴兵破城是日乾清宮後廡有孤跡鳳陽地震皇陵附近廬舍人民坍塌尤甚流賊李自成僭稱王於西安自成陝西米脂人自幼名黃米地長名鴻基與同里劉國龍偕飲言志自成大言曰大丈夫當橫行天下自成自立即改名自成號鴻基崇禎二年二月徵兵勤王檄至甘肅自成投總兵楊肇基營為隊長隸參將王國麾下國奉調過金縣兵譁餉自成殺縣令及國遂反時安塞人高迎祥糾饑民為亂號闖王於自成為甥舅往從之號闖將轉掠河州金縣甘肅間官兵迫之洮河自成率其眾涉流而渡先後寇鄯陽竹山竹谿房縣走紫陽入漢中七年六月陝督陳奇瑜圍之於興安州之車箱峽（非華陰縣之車箱峽）會大雨兩月賊中馬乏斃倒斃者過半從其黨顧君思策重賄奇瑜左右以請撫奇瑜受之自成既出險即殺監視官復叛遂陷麟游永壽靈臺崇信白水涇州扶風七州縣於是橫行海內者又十餘年至是乃稱王於西安僭國號曰順改元永昌更名曰自晟遣甲申扈置偽官設科日試士革偽職傳布遠近有曰君非善賊孤立而鳩聚實多臣盡行私比黨而公忠絕少又曰獄囚累累士無報

禮之心。征彼重。民有偕亡之痛。為其弘文館學士盧氏舉人牛金星屬稿。左中允李明睿疏請親征。不果行。睿、南昌人。以憲臣李邦華督臣呂大器特薦召入對。言宜先幸山東。駐蹕藩部。即以鳳陽為行在。度召奔豫之師。二路夾進。西征以破賊。又密陳賊氣甚惡。惟南運可緩目前之急。帝嘆曰。朕久有此意。奈諸臣不從何。並戒勿洩。工科曾應遴請令紳富捐贖。不報。應遴疏言。紳富衣租食稅。安坐而吸百姓之髓。平日操奇贏以愚民。獨操其利。臨事欲貧民出氣力以相援。有是理乎。又言秦藩富甲天下。賊破西安。府庫不下千百萬。倘平日少取之民。有事發以犒師。未必至此。兵部得賊牒文。時自成留將李友等守西安。而自率馬步兵五十萬自禹門渡河。連陷臨晉、河津、澤州。諸城所下城邑皆置偽官。移牒兵部。約於三月十日至京。宣戰。未暑。大順永昌年號。兵部執其人斬之。鳳陽巡撫路振飛遣兵防河。振飛廣平人。時山西逃兵南下。江北震恐。振飛遣副將金聲桓守徐州。周任鳳守泗州。周爾敬守清口。所部皆兩淮閭閻勁卒。約得數萬人。星入月中。時占者言星入月中。主國破君亡。遣大學士李建泰出師。建泰曲沃人。性慷慨。負重名。家鉅富。嘗欲輸財以佐軍。未上而賊已渡河。帝臨朝而嘆。建泰曰。主憂如此。臣敢不竭駑力。願馳至太原。出私財購死士。倡率鄉里十萬之眾可集也。帝大悅。即命督師西馳。出師日。帝仿古推轂禮。親餞郊外。曰。先生此去。如朕親行。又諄諄勉以真勳直撫。並命欽天監德意志人湯若望隨行。修火器。進士程源私語隨員職方司主事凌駟曰。此行也。兼程抵太原。收拾三晉。猶可濟也。三晉失守。無可為矣。時建泰恃家財。冀紓國難。比至涿州。聞山西烽火急。其家且破。氣頓沮。逡巡畿內不敢前。南京地震。流賊張獻忠陷蕪州。獻忠庸施人。初從軍。犯淫掠富死。亡關中為盜。紫橫三

年手結亂倡據府谷獻忠以米脂十八寨應之賊中號為八大王嘗就撫於督師洪承疇踰年復叛官兵勦之累撲累起引眾出秦中蹂躪豫皖名城大藩數十遂沿江而上既得武昌偕號西王建元大順改武昌為天授府至是自荊州趨蜀陽夔州方獻忠之謀入蜀中也石砭土司女將秦良玉固全蜀形勢上之撫城陳士奇請益兵守十三隘士奇不能用復上之按臣劉勣之勅之許之顧無兵可發賊至巫山梅子坡見隘口無兵守遂長驅而入良玉馳援兵寡敗歸於是獻忠從容收旁近各郡縣而奄有西川之土地矣

二月朔帝視朝得賊書是日御朝得偽廷詞甚悖未云限三月望日至順天會同館暫纒舉朝失色李自成陷汾州陽城懷慶太原薊遼總督王永吉巡撫楊鶴吏科都給事中吳麟徵請撤寧遠吳三桂兵入衛不果行時廷臣言人人殊遂格不議帝下詔罪己時李自成連陷黎城臨晉帝乃下罪己詔李自成陷忻州進薄寧武關總兵周遇吉應力拒守遇吉錦州衛人自成既得忻州進攻代州遇吉憑城固守連戰十餘日殺賊萬餘兵少食盡退保寧武遣內官監制各鎮帝聞山西全陷命內官高起潛等分赴寧前天津通德臨津真定保定宣府順德彰德大名廣平衛輝懷慶大同薊鎮中協西協等鎮監制諸將本兵張縉奏疏言糧餉中斷士馬虧折督撫危懼欲却若一時添內臣十員不惟物力不繼抑且事權分掣反使督撫藉口不納大震人凍死保定副將謝嘉福殺巡撫徐標劫知真定府邱茂華同叛降於賊標濟寧人官保定巡撫時守真定茂華知府事聞賊警先遣家人出城標執茂華下之獄嘉福辭標麾下中軍何標登城殺之出茂華於獄同降賊李自成陷彰德徵天下兵勤王召對羣臣先是左都御史李邦華疏言國

家並建二京原以供時巡備居守皇上即不南遷宜令太子諸王居舊都一繫天下之望且言臣南人必有言臣以遷自使者臣願隨皇上執管鑰而分遣信臣良將捍牧圉以南發疏未下命諸臣會議戰守而衆論狐疑莫知解決帝亦以國君死社稷為言顧帝非不以南遷之議為然觀前命科臣左懋第往南中察舟師士馬之數以魏藻德總督河道屯練往天津方貢岳總督漕運屯練往濟寧天津撫臣馮元鵬請以抗漕之三百艘待命於直沽口密旨允行凡此皆為南遷地也蓋不欲出自己意待舉朝固請而後行之耳

三月朔昌平兵變時官民居室焚劫一空京師戒嚴時宣府告急京師洶洶傳賊且至帝命鎮朔將軍王承胤領賊所向宣諭戒嚴諸生張鐸請太子監國南京鐸被召見言三策首請以太子監國南京擇重臣輔之李自成陷寧武關總兵官周遇吉兵備副使王孕懋死之自成至關下大呼五日不下即屠遇吉悉力拒守發礮殺賊萬餘會火藥盡開門奮擊復殺數千人夜率壯士二百入賊營復大破之賊為之退二十里相持旬餘而外援絕望乃出城詐降伏精兵殺其四驍將部下胡婦二十皆精騎射號絕悍平日支衆視婢將俸各配以健丁一如夫婦臨陣非至急不役胡婦故殺賊過當賊悉力攻破之遇吉徒步跳牆手拾殺數十人矢竭集被執罵賊死遇吉妻劉氏亦驍勇多能率婦女登屋而射矢無虛發賊縱火焚之盡死胡婦二十伏室中洞開其門賊入胡婦發強弩斃數百人矢竭皆赴火死孕懋霸州人賊營嘗遣人說降斬其使與遇吉共守至是自張揚氏亦投奔殉之城巾士民無降者自成調查前後戰死將士計七萬人曰寧武雖破死傷過多此去應大同宣府居庸重兵數十萬倘盡如寧武我輩豈有孑遺哉不如還陝國再舉

夜深忽報大同總兵姜瓖宣武總兵王承胤降表至承胤且以百騎來迎自成遂一意長驅而東帝召對百官時帝御中樞殿問諸臣禦寇策奏對者皆考選科道練兵加餉諸常談駟馬軍永固請南巡徵兵親討帝意不決諸臣勸帝南還者帝怒曰諸卿平日專營門戶不為朝廷出力今日死守夫復何言許給城軍半載糧而餉實無出賊復以金誘之士卒遂解體命收葬魏忠賢屍時起復太監曹化淳守城化淳故忠賢黨至是入對因言忠賢若在時事必不至此帝許信之乃傳諭收葬忠賢遺骸總兵唐通太監杜之秩叛降於賊居庸關巡撫何謙逃京師大震李自成陷昌平州總兵李守謙死之賊焚十二陵分兵掠通州京營兵潰於新橋賊進京師時裏城伯李國楨督練兵守城謂守不如戰發三萬人守新橋南賊至沙河聞礮聲三萬人皆潰李自成圍京師是日早朝諸臣皆嗟唏泣承曉帝書御案文武人人可殺百姓不可殺時內侍專守城事百司皆不敢問有急足叩城下曰遠塵街天寇深矣內侍使騎探之報曰游騎也不為備須臾賊大至攻平則彰義各門城軍不復用命是日屯平則門外京營將軍賀珍也德勝門外千總徐文樸皆力戰死外城陷內侍曹化淳獻城也內城陷帝崩於萬壽山外城既陷帝登萬壽山（即煤山）望烽火燭天嘆曰苦我民耳回宮命遣太子慈烺定王慈烜永王慈炤於周奎四弘通第趣后自盡后已自經復手刃袁妃及所御妃嬪數人又揮刃斫長平昭仁兩公主昧爽內城亦陷乃復登萬壽山與內侍王承恩對縊於萬壽亭遣詔以諸臣誤國死無面目見祖宗令去寇寬任賊分裂勿傷百姓云

清史紀事本末卷五

順治入關

世祖順治元年。即明思宗崇禎十七年也。夏四月。命攝政王多爾袞為奉命大將軍。率師取明山海關外地。並經略中原。先是。是年二月初。明以流寇內侮。用劉遵德督王承恩。盡撤關外城守。召寧遠總兵吳三桂統邊兵入衛京師。三桂從寧遠兵民五十萬。衆而西。抵豐潤。聞李自成已陷京師。帝后殉難。不敢前。自成執其父襄。命作書招之三桂許降。已而聞其愛妾陳沅被掠於賊。遂大憤。遽易鴟素發衣。聲言為先帝復仇。馳歸山海關。部署軍事。自成遣降將唐通等率兵追之。越灤州而東。三桂回軍擊破其衆。自成親將部衆十餘萬攻山海關。分兵出撫寧。東北境長城。繞至關外夾擊之。三桂大懼。急遣使至多爾袞軍前乞師。時多爾袞尚未至寧遠。得三桂書。偕大學士洪承疇等即日進兵。途中復遇三桂趣兵之使。疾馳至沙河。距關僅十里。值三桂哨騎來報。寇已出邊。乃令英王阿濟格。豫王多鐸各將萬騎由東西水關分道入。而自率大軍繼進。是夜遇虜通兵於一片石。擊敗之。進薄關門。三桂率騎兵突出。謁多爾袞。即軍中雜髮設誓。請即入關。承疇言寇衆東出。京師空虛。宜由西北繞出居庸。襲據北京。俟寇軍回援。然後一戰擒之。而三桂則謂關門禍急。堅持不可。多爾袞亦慮流寇當百戰之後。懷悍無匹。不可輕敵。因令三桂兵以白布繫肩為號。率之先行。以嘗賊。而自率精銳以從。至則自成已列陣關內。自北山橫亘至海。自成初破都城。精銳不過萬數。所至虛聲脅下。未嘗經大敵。既飽掠思歸。聞邊兵助。無不寒心。自成知成敗決於一戰。益驅衆連營並進。三桂悉衆出戰。無不一當百。奮擊殺寇數千。寇亦賈勇奮進。自成挾明太子及永定二

王登高岡立馬觀戰。寇眾三面圍三桂。三桂兵東西馳突。寇散而復合。及午風發。塵起。兩軍不相
辨。阿濟格多鐸率鐵騎橫躍入陣。所向披靡。俄城開。眾見甲而鬪鬚者。曰滿洲兵至矣。自成策馬走
寇。皆潰散。自相蹂躪。死者甚眾。自成以數千騎急走永平。是日多爾袞下令。使關內外兵民舉
進三桂爵為平西王。五月。多爾袞入京師。時明太子已至三桂軍中。三桂請領之入京師。即
位。多爾袞不許。檄之西行。追賊三桂乃送太子於明。太監高起潛所都中。自自成遁去。原任衙
曹溶率眾城守。搜餘賊。是月朔日。城中接太子手勅。以初二日入都。為大行皇帝大行皇后舉
大事。未署義興元年。四月二十六日。至期。忽傳太子已至城外。錦衣衛都指揮使駱養性與侍
郎沈唯炳等立崇禎帝。泣哭。賜司禮監王德化等備法駕迎太子。諸臣望塵俯伏。入朝陽門。非太
子也。眾駭愕。聞前騎者虜都人悉去白冠。則多爾袞率滿洲兵入城矣。於是明文武諸臣具表勸
大學士范文程偽為不知也者。語眾曰。我國皇帝去歲登極矣。何勸進之有。遂為明帝發喪。令
民各服喪三日。並諭禮部太常寺以禮改葬。諡帝懷宗。端皇帝。后為烈皇后。尋遣官至盛京。奏
六月。太白見。有白氣自西南至東北。多爾袞與諸王貝勒大臣等定議。建都燕京。遣輔國
公。七奔哈爾魯表迎帝。秋七月。多爾袞遣官往房山。訪金朝陵寢。令繪圖進覽。八月。丙辰朔
食。九月。金星晝見。帝至京師。冬十月。帝親詣南郊。祭告天地社稷。頒時憲書。頒詔中外。
除明季加派稅餉。廢衛諸弊政。令文臣衣冠。暫從明制。時尚未厲行。短髮令也。建堂子於
河橋東。在長安左門外。滿洲舊以設罕祭天。又嚙祀社稷。諸神於靜室。名曰堂子。十二月。素
太子慈娘於市。先是十月間。太子自高起潛所逃出。隨內侍楊玉投其外祖嘉定伯周奎府中。

奎姓鐸引與長平公主相見。抱頭慟哭。奎飯之。舉家行君臣禮。傍晚哭別而去。數日復至。公主贈一錦袍。戒云。慎勿再至。至十九日。又至。奎留宿。語之曰。太子自旋。姓劉為書生。庶可免禍。否則向官府究論。太子不從。返之門外。遂以犯夜被擒。刑部勘問其事。訊內侍舊臣常遇節舊司禮王德化。共言此真太子。百姓觀審者數千人。亦同聲呼真太子。及廷訊時。太子言宮中事。悉無訛。召故錦衣官李時隆及嘗侍衛東宮者十人證之。十人應聲對曰。真也。獨有曾降之晉王求桂言非是。遂太子及常侍內監錦衣十五人於獄。刑部承審官山東司主事錢鳳覽詳訊以真太子。擬命求桂款鳳覽。鳳覽呵之。乃復廷訊。內閣謝陞馮銓等執為偽。鳳覽復上疏力爭。略謂前太子危地也。向所親視而假之。京師商民各具疏請釋太子。順天府民人楊博等亦疏請留太子以奉明祀。又兒平楊時茂者。上疏請將茂身肉割為泥。骨碎成粉。以贖太子。疏中並言。謝陞貪黷無道。多爾曰。太子真偽無傷。但晉王明之宗室。謝陞明之大臣。鳳覽之呵晉王。百姓之書謝陞。皆亂民也。下獄死。鳳陽民張三。忽警衆殺太子。生員楊生孫生應之。俱擒。旋命棄太子及十五人於市。年春正月。朝鮮來貢。自後歲以為常。二月。詔民間墳墓在滿洲圍占地內者。許其子孫歲時檢。從給事中向玉軒言也。詔民間房屋擬給旗下者。寬予期限。俟其搬移。始令旗人管業。從官傅景星請也。三月。詔直省府州縣學生員。各選文行兼優者。大學二名。小學一名。送入國子監肄業。聽監臣考課。以貢監名色。彙送應試。夏四月。舉行武會試。五月。詔修明史。以大學士馮銓洪承疇李建泰范文程剛林祁允格等為纂修官。宣府民人劉伯泗掘地得石匣。內有人書。又石匣內有元帥印。遂自稱天星星。巡撫馮兆聖捕斬之。六月。定雜髮之制。限旬日內。有

仍存明制者殺無赦。陝西民人胡守龍聚眾數萬自稱徐曾公建號清光元年。總督孟喬芳擒斬之。閏月。命大學士洪承疇招撫江南各省。恭順侯吳惟華尚書孫之綱侍郎黃熙允江島緒丁之龍謝弘儀等招撫廣東廣西江西福建湖南雲貴等省。定羣臣王公以下及生員耆老頂戴品式。河決王家園。改江南民解漕白二稅為官兌官解。秋七月。詔自今內外章奏俱由通政使司封進。太常寺典簿王文吉疏請設立江南長江一帶蘆政徵收蘆蕩常稅時以江南地方初定不諱。九月。殺明新昌王。明懷安王來降。輸戶部河間澤州遵化等府州縣凡無主之地。給與旗人耕種。其前明公侯伯驸馬皇親太監地著照家口給發外餘給八旗。冬十月。削原任陝西河西道孔文諱職為民。因請免孔氏子孫雜髮也。十二月。己卯朔日食。禁刑部濫收詞訟。嗣後民間詞訟在外歸撫按監司在內歸順天府大宛二縣。如有冤抑准赴通政使司呈請發審送部。如問刑衙門聽斷不公致使小民受冤者事發重治。禁內監朝參及排班。三年春正月。定歲祭陵廟禮。廣本年會試中式額數至四百名。房員二十員。後不為例。三月。諭譯明洪武寶訓成頒行中外。詔本年八月再行鄉試。來年二月再行會試。其未歸附地方生員舉人來投誠者准一體應試。夏五月。嚴隱匿滿洲逃人之禁。殺明魯王等十一人。六月。嚴捕白蓮大成混元無為等教。秋九月。京師地震其聲自南而北。冬十月。帝獵於近畿六日還宮。諭有為雜髮衣冠圍地投充逃人牽連五事具奏者一概治罪。本不許封進。四年春正月。拿漕運總督王文奎職下刑部議罪。坐擅免荒田租賦及濫請前明陵寢祀典也。三月。命在京三品以上及在外總督巡撫總兵等官各送一子入侍。頒行大清律。給江寧西安

駐防旗員圍地江寧人六十畝至五百八十畝西安人二百十五畝至二百四十畝夏六月還戶部副理事官繆尚義等赴廣東雷州廉州等處採珠秋七月帝獵於邊外八月還京師禁佛朗西人在濠境貿易者不許入廣東省會冬十月吏部奏請以三載考績為定制報可十一月五麻堡成

五年春二月詔許滿漢通婚並定官民服飾之制悉依滿裝夏五月己丑朔日食秋七月天津婦人張氏自稱明天啓后謀起事捕殺之

六年春正月朔帝避痘免朝賀夏六月以歲用不足開監生吏典承差等捐例及給內外僧道度牒准徒杖等罪折贖秋七月江南蘇揚淮徐鳳各屬州縣衛所及河南磁州羅山縣大雨雹傷稼

七年冬十月辛巳朔日食

八年春正月帝始親政御太和殿受賀頒詔大赦以蘇克薩哈詹岱伊圖畢阿岱等拜巴哈詹杜爾瑪為議政大臣二月諭戶部各處圍占民地以備畋獵者悉數退還原主閏月傳給僧道度牒三月命諸王貝勒貝子等管理各部院事務派其親王吏部承澤親王兵部瑞重郡王戶部敬謹郡王禮部順承郡王刑部謀郡王工部貝勒喀爾楚渾理藩院貝子吳達海都察院三月以連日風霾命刑部通察刑獄夏四月帝幸沙河五月還京師冬十月給事中魏象樞疏諫游幸報聞

九年春正月朔帝避痘南苑免朝賀京師地震命安郡王岳樂管工部事貝勒尚喜管理藩

院事。三月革退會試中式第一名舉人程可則名。並治考官胡統虞等罪。以閣臣范文程奏可則文理荒謬。首篇尤悖戾經註也。罷諸王貝勒貝子管理部務。夏五月德州大雨雹。大者如瓜。殺三人。沈潛舟一。吏部奏京察。應以帝親政辛卯年為始。六年一次過實。申年舉行。從之。六月江南旱饑。帝獵於南苑十日還宮。先是兵科給事中楊雍建聞駕數出。上疏諫。中有慎起居。謹出入。毋勤於原獸語。帝震怒。宣跪苑廡。面數其罪。令免冠謝。雍建抗聲曰。臣但知忠愛皇上。無他罪。帝益怒。色變。往返數數過其前。譴讓不已。諸臣侍直者皆股栗。雍建不為動。秋八月戶部左侍郎王永吉疏言。現直隸山東河南山西皆報大水。江南江北湖廣浙江皆稱大旱。請停罷游觀。減撤音樂。董戒臣工。實圖修省。報聞。九月太白星與日爭光。流星入紫微宮。時大學士洪承疇陳之。疏言星變異常。宜儆惕。且今年南方苦旱。北方苦潦。歲饑寇警。處處入告。請停止親迎。違輒判麻從之。冬十月范文程等奏興屯四事。一興屯宜選舉得人。一開墾宜收租如法。一積貯宜轉運有方。一責成宜賞罰必信。帝是之。十二月帝獵於南苑十日還宮。殺京師大豪李應試潘文學等。應試別名黃驥。李三原係積年重犯。專一養養劫盜。勾結奸梟。交結官司。役使衙蠹。其住宅分照六部。仿崇文門一應稅務。搜抽課錢。罪案山積。鞠審之日。聞臣宣究我陳之過。陳名夏等至不敢發言。以其廣通聲氣。恐遭陷害也。文學應試案。

十年春二月帝至內院。見少詹事李呈祥條議部院衙門裁去滿官。專任漢人。一疏怒語。洪承疇曰。朕用人不分滿漢。汝等何反生異議。承疇等不能答。呈祥職免死。流徙盛京。三月帝獵於南苑召漢大臣及諸詞臣賜宴。出院外行獵三日。苑中網魚一日。自是歲以二三次為率。不備。

紀。夏四月以元旱。詔求直言。諭內外法司清獄。五月。殺明福清王嫡子由杞。六月。定改折各省本色錢糧。歸於一條鞭法。直隸大水。京師沿河一帶房舍田禾被淹。冬十一月。制立限報災法。夏災限六月終。秋災限九月終。先將被災情形馳奏。隨於一月內查數輕重分數。奏請賜詔。其逾限一月者。巡撫及道府州縣罰俸。逾限一月外者降級。逾限已甚者革職。永著為例。殺明恭皇帝第三子由極等二十九人。十二月。京師地震有聲。

十一年。春正月。左都御史趙開心條奏六款。中有奏對宜勤及屏斥畋游語。帝大怒。著嚴飭行。二月。賞盛京獵戶李百總衣服鞍馬。以其收養山海關內貧民四百餘口。故嘉之。三月。絞殺大學士陳名夏。名夏嘗推帽摩首語寧完我曰。留頭髮。復衣冠。天下即太平矣。完我以聞。命處絞。子振臣及家屬遣戍。夏四月。京師地震。傳命婦更番入侍例。六月。陝西地震。河決大王廟。秋八月。殺明樂安王翊湖。冬十二月。湖南大火。延燒民房萬六十餘戶。

十二年。春二月。江南地震。三月。削給事中李開生職。流徙尚陽堡。因請收回揚州採買女子成命。忤旨。同時戶部右侍郎趙開心亦以請寬隱匿旗下逃入之禁。降五級調用。夏六月。賜名紫築城後山為景山。西華門外臺曰瀛臺。秋七月。癸未朔。日食。遣廷臣恤刑各省。

十三年。夏四月。山西陽曲地震。以近者冬雷。春雪。隕石。雨土。連年水旱。諸災變。祭告南郊太廟。以三事自責。六月。荷蘭來貢。山東莒州地震。秋九月。遣官數輔慮囚。停閣臣議政。

十四年。春二月。山西雲鎮地震。三月。詔直省學臣訪求遺書。夏四月。四川保寧府成州茂州地大震。五月。癸卯朔。日食。秋九月。帝御經筵。京師地大震。冬十月。殺大理評事張我樸。

李振鄴中式舉人田紹等。因本年北闈通關。卽爲御史任克溥所糾也。

十五年春三月。殺內監吳良輔。以交通內外官員作弊納賄也。夏四月。降直隸河南山東總督張懋錫三級調用。懋錫至順德府迎義王孫可望。爲學士麻勒吉所辱。羞忿自剄。爲左右救免。帝以懋錫失大臣體。令降三級調用。後懋錫卒不見容於麻勒吉。仍致殛死。秋八月。江蘇松江地震。

十六年春二月。命於今年秋再行會試。以雲南蕩平故也。夏四月。申嚴誣告之禁。

十七年夏五月。以亢旱詔求直言。六月。遣大臣清理刑獄。行封駁之典。從掌翰林院事學士

折庫納條奏也。詔嗣後諭旨有未確之處。聽內閣及諫垣各官封駁。秋八月。貴妃董鄂氏薨。后

原姓董氏。名小宛。爲明季遺民。冒辟疆之姬人。順治二年。沒收入宮。至是卒。追封皇后。諡端敬。

十八年春正月。彗星夜見帝崩。自帝崩之耗出。有謂彗星之發見。實不祥者。有謂帝實未崩。假彗星之發見。而出家於五臺山者。傳聞如是。附紀於此。太子玄燁嗣立。帝年二十有四。諡曰章廟。號世祖。葬直隸遵化州之豐臺嶺。號孝陵。妃董鄂氏殉。追封貞妃。

編者曰。方端敬后之歿也。帝輟朝不視事。自是獨居養心殿中。朝夕悲慟。至詔諭羣臣。有朕復何心於人世語。遺詔中亦有予心深爲痛悼。追念賢淑。喪祭典禮。過從優厚。不能以禮止情。諸事踰濫。不經云云。於是相傳帝實未崩。當日因痛后故。遜位出宮。披緇雲游。五臺山清涼寺。實其卓錫處。後聖祖數奉太皇太后皇太后幸其地。虔禮諸寺。卽爲謁帝也。貞妃爲端敬后妹。帝出亡時。惟妃知之。後有言於太后者。妃懼自盡。施氏行在陽秋中。載八旗將士陰謀推戴明永歷帝事。諸將士曰。此真主也。我等雖有主。今知其安在。不如奉此。以成不世之功。又光緒中葉。

江右學士文廷式在京師琉璃廠肆一書攤中購得順治三十年歷書一冊蓋有欽天監硃印
審非偽造之本有知其事者謂帝出亡後聖祖嗣位已頒行康熙元年憲書而內廷遺御別刊
順治十九年之本與康熙本並行以彰孝誠至帝脫縞後始已云綜以上觀之其言皆持之有
故宜若可信然竊疑其出於附會故不著於篇

清史紀事本末卷六

削平流寇

順治元年夏四月流寇李自成自永平遁還京師。僭帝號於武英殿。遂奔山西。吳三桂破自成於山海關。自成走永平。三桂追至。自成遣使赴其軍中。議和三桂曰。歸我太子二王而後可。自成出太子見三桂。三桂先令守備張成指揮范玉各率兵一千用賊旗幟東西設伏。俟太子出。疾擊賊營。又令都統耿士良率全軍為應。以奪太子。自成果中伏大敗。怒殺三桂之父襄及其家屬。遂僭號稱大順永昌元年。追尊七代皆為帝后。立妻高氏為皇后。袁憲列仗郊天。受朝賀。是夕縱火焚宮殿。詰旦扶二王西走。三桂望城中火起。知自成已走。傳諭京師稱護太子入城。即大位。攝政王多爾袞不許。檄之西行。三桂乃送太子於太監高起潛所。旋逸於民間。起兵追自成。秋七月。李自成遁歸西安。自成既西走。至定州。吳三桂追及之於清水河。自成迎戰。復大敗。其將谷可成陣歿。遂走屯真定。三桂與遼東巡撫黎玉田合兵追及之。自成勒精騎迎擊。三桂張二翼以進。斬首萬級。自成益兵博戰。率諸將直逼營前。三桂分兵迭戰。自晨至晡。自成中流矢墜馬。掖而馳。拔營西遁。度故關入山西。三桂以兵逐之。及關而止。遂還軍京師。時多爾袞已定燕京。晉三桂爵平西王。自成至平陽。以饒殺其將李巖。巖故勸自成以不殺收人心。其在京師。諸賊日殺人而巖於士大夫無所拷掠。又嘗保護懿安皇后出院。而俾之從容自死。軍中多稱之。定州之賊傳言河南州縣多反正。巖請率兵往。牛金星陰告自成曰。巖雄武有大略。非久居人下者。且河南巖故鄉。若以大兵與之。是假蛟龍以雲雨。必不制矣。因勸自成除之。遂收殺巖及其弟率。於是軍士解體。

自成遂不能復戰而後歸西安遣別將攻臨漢中復分兵出潼關掠河南及四川之保寧一路張獻忠出兵拒之乃還八月都統葉臣敗賊於府谷自成將李過自新安糾衆三萬犯府谷逼大同葉臣出兵擊之殲殲過半過中創重歸綏德冬十月遣英親王阿濟格豫親王多鐸分兩路趨西安討李自成時帝至自盛京近畿諸統兵官先後奏提直隸巡撫衛周允等劄平真定大名順德廣平四府山寨都統葉臣等進平三晉所至迎降巡撫馬國柱進勦汾州平陽諸寇山西悉平肅王豪格平定青州滿家洞各路山東諸郡皆定於是議大舉入陝分兩路出師以阿濟格為靖遠大將軍率吳三桂尚可喜等由大同邊外會諸蒙古兵赴榆林延安出陝西之背以多鐸為定國大將軍率孔有德等由河南夾攻潼關期於西安會師十二月多鐸敗賊於洛陽進攻陝州破之多鐸軍渡孟津敗寇將張有聲於洛陽收沿河寨堡進至陝州張有聲據雲寶拒守前鋒參領索渾等擊破之盡收潼關外地

二年春正月李自成率師援潼關敗績遁歸西安自成將劉宗敏威兵潼關為守禦計多鐸軍至自成將劉芳亮迎拒敗之自成親率兵來援令宗敏依山為陣以待時多鐸以大礮木至道前鋒將索渾以兵三千距關二十里立營宗敏圍之三日夜人馬寂然寇衆莫測所以不敢擊及師大集自成出關迎戰不利遣將馬世耀以衆偽降多鐸斬之自成欲返據延安而阿濟格一軍已自保德州編筏渡河入綏德連下延安鄜州偏西安之北自成腹背受敵棄關還西安二月多鐸入西安李自成走襄陽潼關之敗自成將谷英李通俱潰逃惟李錦以榆林一軍從之自成知西安不能守命田見秀燒倉廩焚宮室出東門由商州龍駒寨走武關以入襄陽方自成之命見秀焚

積聚。並燕宮室市里也。會自成已去。見秀曰。秦人饑。留此米活百姓。止燒東城一樓。追及自成於商州。曰。已焚矣。後劉宗敏等宗族墳墓在秦中者。皆被誅戮。獨見秀家獲免。夏五月。阿濟格追李自成。大破之。自成走死。自成至武昌。左良玉已率衆東下。城中無人。自成諸將田見秀。袁宗第。劉體乾。劉芳亮。張鼎。吳從義。牛萬才等。皆從入。衆尚五十萬。分為四十八部。改江夏為瑞符縣。鑄永昌錢。謀奪舟東下。取宣飢曰。西北雖不定。東南距再失之。將發而陰。霍四塞。暴雨烈風。旗槍盡折。又恐阿濟格躡其後。聲言往取南京。一夕拔營起。思踞湖南。命其四十八部先發。而自以二十騎。嚴忍單騎趨迫山之九宮山。入玄帝廟。鄉兵疑為劫盜。亂刃臂之死。其衆悉投誠於明湖廣總督何騰蛟。隆武帝賜名其營曰忠貞。騰蛟參以舊軍。分為十三鎮。列湖南北。賜自成子錦名赤心。第一功名必正。皆掛龍虎將軍。封列侯。妻高氏忠義夫人。自成亂中國二十年。陷帝都。覆廟社。及死。其衆五十萬。悉歸騰蛟。一時稱異事。而騰蛟口不言功。上疏。但言元兇已除。稍洩神人之憤。宜告謝郊廟。人以此多之。冬十二月。豪格入順慶。獲張獻忠磔之。獻忠於元年八月。據成都。僭號大西。改元大順。名成都曰西京。還孫可旺。艾能奇。白文選等。分屠附近諸郡邑。全蜀數千里。無人跡。川中民盡。乃謀窺西安。盡焚成都宮殿廬舍。夷其城。率衆出川北。又欲盡殺川兵。其保寧守將劉進忠。故統川兵。獻忠將執之。而坑其衆。洩言於聞者。進忠聞之。率一軍逃。會豪格軍至漢中。進忠來奔。請為嚮導。至藍亭。西充間之鳳凰坡。會大霧。潛勒軍登山。賊謀馳告。獻忠以進忠守朝天關。不虞兵至也。斬之。如是者三。豪格揮鐵騎從之。時方辰食。獻忠舍飯。率牙將數十人倉皇出視。進忠指善射者章京雅布蘭射之。中其額。獻忠逃伏積薪下。曳出磔之。其將孫可旺等走遵義。

四年春二月。孫可旺陷明遵義。尋走貴州。賊入遵義。奉獻忠妻陳氏為主。駐桃花洞。已而豪格師克重慶。可旺乃焚賊后遁入貴州。流寇悉平。

清史紀事本末卷七

多爾袞攝政及諸王內訌

明思宗崇禎十六年秋八月。清世祖製帝位。以明年為順治元年。帝時甫六歲。諸王貝勒集議。以鄭親王濟爾哈朗。睿親王多爾袞輔政。二王皆帝叔父也。冬十月。豫郡王多鐸。以謀奪大學士范文程妻事。覺。勒訊得實。罰銀一千兩。奪十五牛。弟肅親王豪格坐知情不舉。發。罰銀三千兩。多鐸為多爾袞同母弟。多爾袞無子。以其子多爾博。繼為嗣。故敢恃勢怙惡如此。豪格為帝兄多爾袞素忌之。故借事苛罰。以洩私憾。十二月。罷諸王貝勒等辦理部院事務。並諭都察院。嗣後王貝勒等。歸該衙門稽察。有事應糾參者。須據實奏聞。時多爾袞欲獨專威權。凡諸王貝勒等管理部務。概行停止。

世祖順治元年春正月。鄭親王濟爾哈朗集內三院六部。都察院。理藩院。堂官。諭曰。嗣後凡各衙門辦理事務。或有應白於輔政王者。或有記注者。皆先啟知睿親王。檔子書名。亦宜先書睿親王名。多爾袞不願濟爾哈朗預政。濟爾哈朗謹讓之。故有此諭。二月。豫郡王多鐸。以擅入戶部衙門。按籍集視八旗女子。下部核實。罰銀五百兩。夏四月。固山額真河洛會等。奸告肅親王豪格言詞悖妄。訊實。廢為庶人。豪格以多爾袞心懷篡逆。目擊不平。形於詞色。河洛會黨附多爾袞。乃以首告。多爾袞指為誹謗。即幽之。尋釋。廢為庶人。俄移克圖。揚善。伊成格。羅碩等。坐附豪格為亂。不行出首。俱棄市。河洛會。譚泰。圖賴。索尼等。舉發有功。各賞銀馬鞍。並籍俄。穆克圖等家產。給與之。多爾袞尋帥師經畧中原。五月。攝政睿親王多爾袞師至燕京。入朝陽門內。監以故明園。

簿御筆陳皇城外。啟請來筆。多爾袞曰。予法周公輔沖主。不當來筆。衆曰。周公曾負扆攝國事。今王宜來筆。曰。予來定天下。不可不從衆意。乃陳內簿。乘輦入武英殿。升御座受賀。秋九月。帝至京師。冬十月。加封多爾袞為皇叔父攝政王。命禮部建碑紀績。濟爾哈朗為信義輔政叔王。復豪格肅親王爵。英郡王阿濟格。豫郡王多鐸。俱晉親王。餘俱受賜有差。

二年秋八月。降英親王阿濟格為郡王。阿濟格多爾袞同母兄也。於追捕流賊回京時。誣報李自成身死。且不候旨班師。又出征時。曾令巡撫釋免逮問道員。及越境過鄂爾多斯土默特地方。索取馬匹。至是議罪。降為郡王。仍責令追勦流寇。冬十月。加封和碩豫親王多鐸為和碩德豫親王。十二月。皇叔父攝政王多爾袞召集諸王貝勒貝子公大臣等。遣人傳語曰。今觀諸王大臣。但知認媚於予一人。未見有尊崇皇上者。予豈能容此。昔太宗升遐。嗣君未立。英王豫王跪請予即尊位。予曾以死固辭。遂奉皇上繼承大統。似此危疑之時。且知其不可。今乃欲以此相膏試乎。嗣後有盡忠皇上者。予重之愛之。否則祖宗法典具在。決不爾宥也。時諸王貝勒皆以為然。惟豫王多鐸默然不答。

三年夏四月。多爾袞諭內閣。嗣後諸王大臣差違在外。凡有啟奏。具本御前。予處股本。著永行停止。

四年春正月。罰輔政鄭親王濟爾哈朗銀二十兩。以王殿臺基踰制。及擅用銅御龜飾故也。秋七月。多爾袞諭內大臣各部尚書等曰。前大臣等。貪以和碩德豫親王自定鼎中原以來。所建功勳卓越等倫。應進封為輔政叔德豫親王。予初亦念及此。尚以王為予李弟。故猶豫未果。然予奉

攝大政。聞賢臣不肯國之鉅典。烏谷昭顯。茲爾等可偕詣王定議。以開眾念。以為然。議上。於是多爾袞進多鐸而誡之曰。汝繼子輔政。益加勤勉。斯名譽非小矣。翌日。帝御太和殿。冊封多鐸為輔政。叔德豫親王。多爾袞尋諭內院。都察院。理藩院等衙門曰。前令輔政德豫親王。和碩鄭親王。共聽政務。今和碩鄭親王已經停罷。止令輔政德豫親王。與聞凡各部院事務。有應親理者。有應輔政德豫親王代理者。開列具奏。

五年春三月。降鄭親王為多羅郡王。貝子屯齊。尚書屯得哈。及公扎哈納。富喇塔。努齊等。計告鄭王濟爾哈朗。當太宗前時。欲立肅王豪格為君。以帝為太子。詞連諸人。齊集質訊。經王大臣等議上。鄭王肅王俱論死。得旨。鄭王革去親王爵。降為多羅郡王。餘得罪者凡數十人。肅親王免死。後以失察兵官冒功事。擬死。得旨。如此處分。誠為不忍。不准行。多爾袞心忌豪格。必欲除之。使諸王內大臣等反覆奏爭。乃命幽繫之。時豪格新自四川立大功。回未久也。尋斃於獄。聞者哀之。冬十一月。覃恩大赦。加皇叔父攝政王為皇父攝政王。凡進呈本章。皆書皇父攝政王。

六年春二月。皇父攝政王多爾袞統兵征大同。三月。多爾袞師入冠家寨。聞輔政豫親王多鐸出痘。即日旋師。至居庸關得計。是日暮。馳入京城。夏六月。多爾袞復征大同。諭內三院及部院等衙門官曰。子帥師西行。不日言旋。爾等宜各勤職掌。又諭譚泰。河洛會。冷僧機。剛林。記文程曰。各部院事務。令爾等裁決。其軍國大事。由英親王等公同商議。可緩者。著候子還。不可緩者。即行啟知。秋七月。多爾袞至阿魯席巴爾臺。罷大同之行。獵而還。冬十月。多爾袞帥師征喀爾喀。部二楚虎爾。帝親送之。十一月。多爾袞車至喀布勒克。聞元妃有疾。乃旋師。十二月。多爾

哀元妃博爾濟錦氏卒。

七年春正月多爾袞以玉寶追封其妃博爾濟錦氏為敬孝忠恭正宮元妃。旋納肅親王豪格福晉博爾濟錦氏為妃。夏五月多爾袞帥諸王大臣出獵於山海關。秋七月多爾袞諭工部於邊外築城為夏日避暑之地。一日貝子錫翰等詣多爾袞王府視疾。多爾袞忿曰：「頃予罹此莫大之憂，體復不快，上雖人主，念此大故，亦宜備家人禮。」一為臨幸，若謂上方幼冲，爾等皆親近大臣也。又曰：「爾等毋以予言擅請臨幸。」頃之駕至，多爾袞讓翰等曰：「爾等故違予令，擅請駕臨，其意以至上至，即可借以釋爾罪乎？」言訖，向翰等跪且拜。至是下翰等劾，降翰為鎮國公。又以一等精奇尼哈番鰲拜目覩翰等罪狀，不即執鞫，降為一等阿思尼哈番。餘降黜有差。冬十一月多爾袞以有疾不樂，帥諸王貝勒貝子公等及八旗固山額真官兵獵於邊外。十二月多爾袞卒於喀喇城。年三十有九。詔臣民易服舉喪，喪儀悉用帝禮。尋命王府所有信符收貯內庫，又命吏部取賞功冊進大內。

八年春正月，附多爾袞主於太廟，追尊為義皇帝。廟號成宗。英親王阿濟格有罪，賜自盡。其黨議罪正法者數人。二月，諭戶工二部停止邊外築城工程。尋有旨：「宣布多爾袞罪狀，撤去廟享。其母妻封典悉行追奪，籍沒家產，傳其嗣子多爾博襲爵。其弟豫親王多鐸降為郡王，大學士剛林、祁充格俱以阿附置重典。」范文程從寬革職。河洛會英拜、羅什博爾惠、譚泰、輩阿岱、錫翰、席納布、庫冷僧機俱先後伏誅。拜尹圖以年老免死，禁錮獄中。

十年秋八月，廢后博爾濟錦氏降為靜妃，改居側宮。以后乃多爾袞於帝幼冲時，因親定婚，未經

選擇故也。

編者曰。初多爾袞與鄭王同受遺詔輔政。欲專大權。日夜謀去鄭王。鄭王為人謹愿。遇事進讓。多爾袞意猶不滿。然以與諸王貝勒盟誓在先。不敢背衆肆行。及統兵入關。定國開基。以成一統之業。厥功最著。權勢益增。黨附日衆。援引同母弟豫王為輔政叔王。停止鄭王聽政。又素忌肅王。因使其黨貝子屯齊等。誣告鄭王定策時。歸心肅王。密謀推戴。幾陷鄭王於大辟。其後肅王不得其死。復奪其妃。諸王等始閉然。內憤厚為側目。多爾袞又自以元輔。懿親。倚勢驕倨。出入宮禁。逆蹟外昭。君臣之間。不復更存形跡。凡有批擬。即用皇父攝政王之旨。又收信符入其府中。死時。恩禮尚厚。未幾。其近侍蘇克薩哈。詹岱。穆濟倫等。首告其私製帝服。藏匿御用珠寶。指為潛圖不軌之端。詔下廷議。鄭王與端重。敬謹諸王。合詞證成其獄。以致得罪。此固由於多爾袞攝政有年。專擅日久。蓄養厚妬。說搆骨肉。諸王惡而畏之。隱忍不敢發言。故於其身後。屢起而攻之。以搆成此大獄也。鄭王亦叔父也。假令多爾袞能如王之存心克讓。善處權勢。以道事君。同心輔政。及身克保宗祚。後裔長延帶礪。豈不懿歟。惜乎器小。見不及此也。

清史紀事本末卷八

明南渡三帝及監國魯王

順治元年夏五月明史可法等奉福王由莊監國南京王神宗孫福王常洵子也時北京凶問至南都諸大臣議立君應督馬士英移書兵部尚書史可法及侍郎呂大器謂王於序次當立可法等以潯土常務賢持未決而士英與誠意伯劉孔昭等密飭靖南伯黃得功暨高傑劉澤清劉良佐等以兵迎王至奉之監國明日行郊天告廟禮發大行皇帝喪大赦天下以史可法馬士英高宏圖姜曰廣王鐸並為東閣大學士士英仍督鳳陽等處軍務餘入閣辦事明福王即帝位於南京以馬士英掌兵部入閣辦事大學士史可法自請督師江上許之士英自以為有擁戴功旦夕冀入相及督師鳳陽命下大怒率兵入朝至江干上疏勸進王遂即皇帝位以明年為弘光元年士英諷可法出可法亦以揚州重任使他人居之慮有失遂請行京師士民譁曰何乃奪我史公太學生陳方策等上疏言淮揚門戶也京師堂奧也門戶有人而堂奧無人可乎疏中有秦檜在內李綱在外語朝野以為名言明分江北為四鎮以高傑劉良佐劉澤清黃得功分統之可法疏請分淮揚廬泗為四鎮澤清駐淮安傑駐泗州良佐駐臨淮得功駐廬州尋進得功靖南侯封傑興平伯良佐廣昌伯又進封左良玉寧南侯六月明上崇禎帝后諡號諡帝曰烈廟號思宗諡后曰孝節秋七月明遣兵部侍郎左懋第等來聘偕使者為大僕少卿馬紹愉總兵陳洪範以白金十萬兩幣帛十萬匹來並海運米十萬石餉吳三桂軍三桂卻之懋第等至館之鴻臚寺請祭告諸陵及崇禎帝不許乃陳太宰寺驛率將士三日哭奠與大學士剛林往復辯論慷慨不撓剛

林嘆曰此中國奇男子也尋遣還洪範於途中密啟攝政王請留懋第紹愉自願率兵歸附並反聞南中諸將既返南都密奏黃得功劉良佐有異心帝曰此反間不足信洪範又言北兵旦夕南下帝曰我當自強清之歟否原不足恃也懋第在北京卒不屈死攝政王多爾袞致書明督師火可法謂春秋之法有賊不討則新君不得書即位且諷以形勢謂以中華全力受制潢池而欲以江左一隅兼支大國勝負之數無待著龜可法報書歷引漢光武昭烈晉元帝唐肅宗宋高宗中興故事且謂貴國驅亂除逆兵以義動若規此幅員為德不卒則以義始而以利終將為賊人所竊笑八月明起阮大鍼為兵部添註右侍郎巡視江防至江上衣素絳圍碧玉見者嘆為梨園裝束九月明修思宗實錄明大學士姜曰廣都御史劉宗周罷兩人既去南都愈不可為矣時給事中吳迄抗疏請留二人皆不聽冬十月明大學士高宏圖罷明鳳陽地連震太白晝見十一月明鳳陽皇陵災松柏皆燼總兵夏成德取明海州海州既破疊沛盡降明督師史可法遣兵復宿遷進援邳州日短至明淮安地震琉球入貢於明十二月豫親王多鐸統兵下河南前鋒渡河沿河塞堡望風降附尋入河南府分兵南下令沂州濟甯兵自廟灣南渡奔邳州彰德衛輝兵自孟津東渡逼歸徐

二年春正月乙酉朔日食立春日流星入紫微垣明許定國誘殺興平伯高傑於睢州尋叛米降定國時駐睢州已通款多鐸惟畏傑忠勇傑次師徐州感可法忠義進取之志甚銳聞定國有心親往覲之為定國所誘殺傑部將引軍攻城破之定國奔考城尋來降可法請以傑甥李本儀代統傑軍朝命衛允文總督其兵馬尋撤回揚州改以劉良佐防歸德三月明北來太子至

以訊之。為王之明。而士民堅執為真太子。又有自稱福邸妃童氏者。帝指為假冒。皆下之獄中。雖然。劉得功劉良佐何騰蛟袁繼咸史可法皆疏爭之。不聽。左良玉亦自武昌馳疏言兩案未與論。既爭不得。乃以清君賊為名。引兵東下。諸臣謂左兵不足慮。請備淮。帝亦謂良玉必不反。士英瞋目大呼曰。我君臣甯死於清。不可死良玉手。有議守淮者斬。夏四月。多鐸取明泗州。渡淮。長驅至揚州。圍之。城陷。明督師史可法等死之初。可法聞左軍警。馳入援。聞良玉死。折回。沿途聞盱眙泗州皆叛。陷。兼程抵揚州。召防河兵。無至者。獨總兵劉肇基自白洋河以兵四千至。請自城一戰。可法謂野戰不如為城。與肇基入城固守。多鐸督軍進攻。亘七晝夜。可法以巨礮下擊死者數千人。忽報黃蜚兵至。可法命開城迎入。則反戈向。始知其為詐。俄而城西北崩。兵入。可法被執。多鐸反覆說之。降不可。且曰。揚州既為爾有。當待以寬大。而死守者我也。請毋殺揚州人。多鐸不答。使左右兵之。屍裂而死。肇基率所部巷戰。一軍盡沒。多鐸留軍十日。屠之而南。五月。多鐸入南京。明尚書高倬等死之。叛將劉良佐追及明帝於蕪湖。執之。靖國公黃得功力戰死。多鐸師至揚子江。兩軍相持三日。值夜霖。乃編巨筏。列燈火其上。放之中流。為疑兵。而別以數千騎潛從龍潭之竹塢渡。守兵皆驚潰。遂陷鎮江。由丹陽句容直抵南京。士英擁太后西走。明帝出奔太平。時劉孔昭先遁入。帝至。閉門不納。乃奔蕪湖。夜幸得功營。得功驚泣曰。上死守都城。各鎮尚可合兵以圖光復。奈何聽奸人言先出乎。雖然。願効死。多鐸駐軍南京城外。縱兵大掠十日。始入城。遣良佐追襲明帝。及之蕪湖。得功迎戰。中流矢死。總兵田雄縛帝出。良佐挾之至南京。拘之江甯縣獄。六月。多鐸遣員勒博洛進。追明路王於杭州。王降。前大學士高宏圖都御史劉宗周江蘇

巡撫祁彪佳死之。王既降，馬士英走錢塘。閏月，明張肯堂等奉唐王聿鍵監國福州。王太祖八世孫唐王頊燝之孫世子器盛之子崇禎問以倡義勦王得罪，禁錮弘光時釋出，命移駐廣西平樂，行抵杭州而南都已復。鄭鴻逵等衛之入閩，與肯堂等奉以監國。月食既，星流竟夕。明唐王即位於福州，以福建為京。福州府為天興府，改元隆武。延上弘光帝尊號曰聖安皇帝，以黃道周等為大學士，鄭芝龍掌戎政。明錢肅樂等奉魯王以海監國紹興。王太祖十世孫魯王壽鏞之子北都監王南下，聖安帝命居台州。杭州既降，餘姚會稽鄞縣義兵錯起，奉表請王監國。移駐紹興，以張國維等為大學士，國維督師江上，畫江而守。秋七月，明大學士黃道周募兵江西，以圖恢復。時閩中戰守機宜悉鄭芝龍為政。廷臣日請出關，而芝龍輒以餉絀為辭。至是，道周憤然請出關募兵，且藉以連何騰蛟為進取計。芝龍復新餉，不與。僅肅空勅數百道而行。明魯張國維復富陽於潛，國維既連克富陽於潛，樹木城於沿江要害，聯合諸營為持久計。監國賜上方劍，總統諸軍。冬十月，明頒詔浙東。監國魯王不受。時何騰蛟有兵數十萬，分為十三鎮，布列湖南北而江右。督師楊廷麟一軍在南昌，屢戰克捷，兼取吉安守之。勢頗振。是時明領土自福建兩廣雲貴以外，兼有湖南及江西之一部。因遣給事中劉中藻頒詔於浙，諸將懼惑。監國將避位返台州。督師張國維馳疏關中，言監國當大勢渙散之日，鳩集為勢。一旦退就藩服，人無所依。關中叛長莫及，猝然有變，唇亡齒寒，悔莫可追。明帝悟，尋遣都御史陸清源解餉十萬至浙東，犒軍。時方國安守嚴州，馬士英阮大鍼自錢塘遁至在其軍中，嗾國安封餉，執殺詔使。且檄守關中罪，自是閩浙水火，而唇齒之勢離矣。明魯方國安等與貝勒博洛兵戰於江上，七戰皆捷，追至杭州而還。是

日國安嚴陣以待。張國維伐肅樂率本部兵其後。前鋒副將鍾鼎新用火攻擊殺緋衣大將一。諸將呂宗忠王國斌趙天祥等。各斬數百級。奪獲軍械無算。連戰十日。諸軍皆有功。第七陣尤捷。追至草橋門下。會大風雨。弓矢不能發而退。時浙西義旗四起。蘇松嘉湖列營數百。杭州危甚。肅樂請率兵由海道窺吳。不聽。說者惜之。十一月。明帝誓師西郊。以唐王聿劍鄧王鼎器監國。福京大學士曾櫻留守。是日駕幸西郊。行推轂禮。以鄭鴻逵為御營左先鋒。出浙江。鄭彩為御營右先鋒。出江西。舟至子江五溪。百姓壺漿迎者載道。十二月。明督師黃道周兵敗於婺源。被執死之。道周至廣信府募兵得萬人。遂分道進兵。皆潰。道周為降將張天祿繫執。洪承疇使人道。道周茶不飲。左右曰。相國請飲清茶一杯。道周遽擲於地。大罵。遂不屈死。

三年春正月。交趾日本遣使入貢於明。三月。明魯武寧侯王之仁與日勅博洛兵戰於錢塘。大捷。進圍杭州。不克。浙東將士與博洛兵跨江相距。屢戰不利。無復圖志。之仁憤然上疏曰。事起日。人人有直取黃龍之志。乃一敗後。遽欲以錢唐為鴻溝。天下事何忍言。臣願以所隸沈船一戰。今日死猶戰而死。他日即死。恐不能戰也。會博洛驅船開壩入江。張國維檄之仁以水師從江心襲戰。忽東南風大起。之仁揚帆奮擊。碎舟無數。鄭遵謙獲鐵甲八百餘副。諸軍繼之。遂大捷。乘勝進圍杭州。不克而還。明帝幸延平府。帝知鄭芝龍有異志。久欲由嶺入湘。倚何騰蛟會江楚迎駕。疏相繼至。遂決意行之。龍使軍民數萬遮道留駕。不得前。帝不得已。駐延平。夏五月。琉球入貢於明。明江上兵滿。方國安劾監國魯王走台州。博洛兵以巨礮擊毀國安營。國安退至紹興。刻王南行。明聖安皇崩於北京。聖安與潞王在北京。同日見殺。六月。博洛兵渡錢唐江。明監國魯

王航海督師張國維等知之時方內安遁去諸將猶嚴守江上值大旱江上水寒寒可涉金軍畢渡列
戍駭潘馬士英阮大鍼勸國安執王降王亟走得脫航海赴廈門尋走南澳博洛兵入義烏或相
國維走國維曰誤天下事者文山登山也赴水死大學士孫嘉績武甯侯王之仁尚書余煌王恩
任侍郎陳函輝大理卿陳潛夫同殉焉金華嚴備相繼下秋八月明帝崩於汀州鄭芝龍於是
年五月間已通款撤兵仙霞嶺二百里間遂虛無一人博洛長驅入帝在延平聞警出奔至汀州
降將李成棟率師追至帝與曾后同被戮於府堂尋江西贛州亦陷楊廷麟萬元吉皆死之冬
十月明丁魁楚等奉桂王由榔監國肇慶王神宗孫桂王常瀛子也崇禎中封永明王時在粵西
汀州變聞魁楚等奉之監國以魁楚與瞿式耜呂大器並為東閣大學士十一月明監國桂王
奔梧州丁魁楚聞贛州陷奉王避之梧州瞿式耜諫不聽明蘇觀生立唐王聿錫於廣州聿錫
隆武帝弟也前大學士蘇觀生以桂王監國己未與立會聿錫至廣州擁立為帝改元紹武自是
二百里內有兩政府治兵相攻不暇外禦矣明桂王即帝位於肇慶丁魁楚聞廣州唐王之立
謂不即位無以厭人心而號召天下乃即位於肇慶仍稱隆武二年以明年為永歷元年是日和
風旭日有五色大鳥自南來士民歡呼謂中興可卜云明遙上隆武帝后尊號時聞帝后就執
未知凶訃也上帝號曰思文皇帝后曰思文皇后十二月降將李成棟陷廣州明唐王聿錫殂
大學士蘇觀生自殺博洛陷漳州遣成棟取廣東連破潮惠急趨廣州奪門入王方會羣臣視學
君臣皆倉猝自縊周益遼等二十四王皆遇害明帝復奔梧州

四年春正月降將李成棟陷肇慶明帝奔平樂尋如桂林二月明監國魯王圓海澄分兵攻漳

州福州興化福清皆不克退入海。三月明帝幸全州。遣武邦留守桂林。李成棟襲至。總兵焦連
禦卻之。成棟自平樂長驅抵桂林。城中虛無甲兵。武邦急召連於黃沙鎮。連率騎三百赴之。入城
之明日。成棟兵數萬猝至。數十騎乘虛突入文昌門。登樓瞰留守府。矢集留守。綸叱曰。何
敢爾。呼連連袒臂出射。殺數十人。急閉城。餘棄馬越城下。連率三百人開城追之。引騎直貫其營。
自寅至午。斬首數千級。銜來兵為三。已復合而圍之。連大呼殺入。戈刃所及。血雨肉飛。殺數千騎。
追奔數十里。桂林獲金論者謂南渡以來武功第一。孫可旺歸於明。可旺張獻忠養子。米脂人。
土司沙定洲叛。明石屏副將龍在田招之入滇。定洲大敗。遁歸阿迷。可旺連陷明城邑。巡撫楊
畏知招安之。賜名可望。夏五月。明帝駐驛武岡。改武岡為奉天府。明魯周鶴芝復海口。鄭彩
復長樂。降將孔有德耿仲明尚可喜再攻桂林。明總兵焦連大敗之。有德仲明可喜皆毛文龍
養孫。有德名毛永詩。仲明名毛永傑。可喜名毛永嘉。文龍為袁崇煥所殺。三人皆叛。來降。有德封
恭順王。仲明懷順王。可喜智順王。入關後。有德改封定南王。仲明靖南王。可喜平南王。至是合軍
抵桂林。猝薄城。武邦連分門守。以西洋銃擊退外兵。連復開城出戰。以三百人自辰至午。殺數千
人。向曉雨不息。收兵。明日復出戰。連奮力衝陣。有德等棄甲仗而奔。連運槩提捷。逐北二十里有
德望虞山樹木皆疑為兵。秋七月。明新興伯焦連復陽朔。遂復平樂。孔有德大挫而陳子壯張
家玉陳邦彥同時起兵高州東莞端州間。於是連乘間盡復廣西所失諸城。八月。明總兵劉承
胤以奉天叛降。明帝奔靖州。大學士吳炳尚書傅作霖參將謝復榮死之。明監國魯王復羅源。
又復連江。時海師破山鷺龍門高公諸島。進復羅源連江。於是長樂永福閩清諸城皆下。冬十

月。明帝如柳州。太白經天。明帝如象州。十一月降將孔有德等薄全州。明督師何騰蛟大敗之。有德等連陷湖南永州衡州辰州黔陽興安諸府縣。進逼全州。騰蛟督師永忠焦連盧鼎趙印進諸軍分戰。大敗有德。仲明可喜兵斬級無算。有德等遁。追湖南。明帝還桂林。時諸師連營間道。亘三百里。

五年春三月。安南入貢於明。孔有德攻明桂林。敗績。有德兵抵桂林北門。何騰蛟督焦建胡一青周金湯熊兆佐分門出戰。捷橫矛陷陣。左右衝突。勢如游龍。與將軍劉起蛟合擊。殺數百人。貫營而出。一青躍馬馳擊。騰蛟若飛。能標槍取人數十步外。百發百中。每乘馬必翦其鬃。北兵誤認為牛。輒相戒曰。此騎牛蠻子。不可當也。一青與建合兵再戰。金湯兆佐橫擊之。捷標下趙興白貴珠死戰。有德督軍退二十里。幾被獲。乃北渡甘棠去。時金聲桓據江西。李成棟據廣東。先後反正。騰蛟乘隙發兵。復沅州寶慶常德靖州奉天。式報復梧州。而蜀中義兵紛起。川東川西皆復。於是明帝有兩廣雲貴江西湖南四川七省之地。駐蹕肇慶。秋八月。呂宋入貢於明。歐羅巴人進圖

六年春正月。降將徐勇襲湘潭。明督師何騰蛟死之。騰蛟攜吏卒三十人赴湘潭。會赤心。至則赤心去。徐勇偵知城中無兵。入執騰蛟。擁之去。遂見害。冬十月。明監國魯王駐舟山。先是大學士劉中藻敗歿於福安。閩地盡失。王次浙之三盤。會定西侯張名振復健跳所。迎王居之。然寄身舟中。即河艖之頂。為朝房。謂之水殿。時黃斌卿據舟山。名振與蔣平伯阮進平西伯王朝先合兵擊破之。誅斌卿。迎王駐蹕。降將孔有德遣兵攻道州。明永國公曹志建禦卻之。有德將馬蛟麟攻

道州賊結連冬十一月明魯已師日本不果

七年冬十一月孔有德破桂林明督師翟式忠總督張同敵死之有德說二人降皆大罵館之別所優待之如上客卒皆不屈死

八年秋九月閩浙總督陳錦等破明舟山大學士張肯堂等死之監國魯王航於海先是安洋將軍劉世勳左都督張名揚以精兵五百背城戰殺傷過當會主事邱元吉等起城降錦知城中火藥盡攻益急城遂陷名揚闔門自焚死明慶國公陳邦傳誘殺巨國公焦璉以潯州叛降邦傳通款孔有德說璉降璉不從自刎死邦傳率潯州文武降璉與邦傳為兒女戚也邦傳遂引兵取平樂都督朱閔如死之

九年春二月明秦王孫可望遣兵扈明帝至安隆所居之改安隆所為安龍府秋七月明西甯王李定國復桂林殺降將孔有德定國進攻桂林有德出戰大敗死亡不可勝計樞屍遍野有德遁入城舉家自焚死惟遺一女孔四貞逸出定國旋破沅靖武岡寶慶全衡永桂諸府州縣南康王劉文秀亦取叙州重慶鞏昌侯白文選取辰州吳三桂退守漢中數日間湖南廣西四川三省皆復為明冬十一月敬謹親王尼堪復取明衡州追李定國中伏歿於陣時定國連斬二名王兵威大震

十一年夏四月明李定國復羅定新興石城電白陽江陽春等縣

十三年春三月明李定國白文選合兵扈明帝入雲南改雲南府為滇都先是明帝患孫可望跋扈於九年十一月十年六月兩次密勅定國以兵自衛而事機不密朝臣吳貞毓等十六人反為

可望所害。至是定國敗可望於田州。進趨安隆。會可望遣文選將兵迎蹕入黔。文選至與定國奉帝走雲南。時劉文秀守滇。迎入城。晉定國晉王。文秀蜀王。文選鞏國公。餘進爵秩有差。秋八月。大將軍伊爾德襲舟山。明英義伯阮駿等死之。降將田雄引伊爾德由定海大洋攻舟山。駿連日迎戰。皆大捷。是日乘濤出戰。忽南風大發。舟大膠淺。不得脫。與總督陳六御。總兵張晉爵。太常卿陳九徵。俞師範。劉永錫死之。

十四年夏四月。明上聖安帝。思文帝諡號大赦。聖安曰。安宗簡皇帝。思文曰。紹宗翼皇帝。冬十月。明孫可望來降。可望兩次襲明滇都。皆為李定國等所敗。遁入長沙。投降於經略洪承疇。朝命封為義王。十二月。明復南甯。

十五年春二月。命貝子洛託為甯南靖寇大將軍。都統卓布泰偕降臣吳三桂。洪承疇。線國安等分道取明滇都。時議者以李定國等皆百戰之餘。雲貴川東南地險兵悍。欲止進兵。而承疇三桂合疏請大舉。遂命洛託會三桂等分三路進兵。夏四月。洛託入貴陽。巡撫冷孟錕死之。吳三桂入遵義。時三桂以浮橋濟黃葛江。渡綦江。歷滴溜三陂。紅關石壺關諸險。皆峭壁重淵。一夫可守。守將劉正國望風由水西逃入雲南。將軍郭禮受等迎降。遂入遵義。冬十月。命信郡王鐸尼統三路兵入滇。抵曲靖。明帝出奔緬甸。

十六年春正月。鐸尼等入滇都。主事劉之謙死之。二月。明帝至騰越。吳三桂追至永昌。引兵還過潞江（古怒江）二十里磨盤山。鳥道穿蒼屈曲。僅通一騎。李定國設柵數重。其間三伏以待。約俟兵度山顛。號礮起。首尾橫突截攻。必無一騎返。三桂渡江。見無守兵。不復備。隊伍散亂上山。

者已萬有二十人。忽明大理卿盧桂生來降。泄其計。三桂以破發其僞。皆出。三桂大敗。死。都統以下十餘人。喪精卒數千。明泰安伯賈民望。總兵王璽。陣歿。兵士死者亦衆。秋七月。明魯督師張煌言。率師徇江南。北下二十九城。凡四府三州二十二縣。望風歸附。東南大震。

十八年春二月。明晉王李定國。肇昌王白文選。數以兵迎明帝於緬甸。不得。敗緬兵於錫箔江。進據大金沙江。緬兵十五萬拒戰。定國文選兵不及十一。且戎器耗散。以長刀手架白檣。當其巨象巨獸。而軍士咸奮擊大破之。緬兵僞死萬計。其大將邊牙標死於陣。秋九月。降將吳三桂進明帝於緬甸。明帝入緬後。朝議以不足為患。撤兵節餉。而三桂獨具疏謂渠魁不肅。有三患二難。請及時進兵。乃命內大臣愛星阿為定西將軍。率禁旅會勦。檄緬人擒明帝。冬十二月。緬賊莽猛白刼明帝。送吳三桂軍中。先是三桂檄緬人獻帝。緬王不可。曰。因人之危而為之利。不義。且彼天之所立。中土之所戴。我不能助而為之害。是逆天也。逆天不祥。不如全之。以為後圖。會王弟莽猛白弑酋自立。戕明從官幾盡。三桂兵至舊晚坡。緬人昇帝暨太后中宮入三桂營。三桂擁之北旋。聖祖康熙元年夏四月。明帝崩於雲南。三桂擁明帝至雲南。居數月。八旗將士有陰謀推戴者。三桂聞之大驚。肇帝及太子出以弓弦絞於市。太子時年十二。大罵曰。點賊我朝何負於汝。我父子何仇於汝。乃至此耶。是日大風雷。雷電交作。空中有二龍蜿蜒而逝。軍民無不悲悼者。薨葬於城北門外。太后馬氏后王氏皆扼吭死。是年延平郡王朱成功薨於臺灣。晉王李定國薨於猛獁。監國魯王亦殂於臺灣。於是明南渡三帝及監國魯王之局。以結明自太祖至此凡十八帝。二百九十四年。至是亡。

清史紀事本末卷九

明朱成功之事蹟（稱賜姓嘉其志不忘明如李克用存勳之於唐也）

世祖順治二年。明紹宗隆武元年也。夏閏六月。明賜南安侯鄭芝龍子森國姓。名成功。森即芝龍娶日本肥前人田川氏女所生子也。生之夕。火光燭天。芝龍心異之。芝龍以平海賊劉香功。官都督。森在日本已七歲。屢請於日人。始遣森還。而留翁氏。成功儀容俊偉。個懷有大志。每東向望母。輒掩涕。叔父鴻達甚器之。每摩其頂曰。此吾家千里駒也。讀書不治章句。作灑掃應對進退題文中。有曰。湯武之征誅。一灑掃也。堯舜之揖讓。一應對進退也。人咸以英物目之。年十五。補諸生。試高等。食餼有相士見之曰。此奇男子。命世雄才。非科甲中物。弘光時入南京。錢謙益驚其才。字之曰大木。至是芝龍引之入見。紹宗奇其貌與語。大悅之。撫森背曰。恨朕無女妻卿。當盡忠吾家。無相忘也。賜國姓。名成功。命為御營中軍都督。儀同駙馬。都駐宗人府宗正。自是中外稱之為國姓。日人聞成功貴寵。亦送翁氏至安平。

三年春三月。明封朱成功為忠孝伯。掛招討大將軍印。時帝在延平。成功條陳據險控扼。揀將進取。航船合攻通洋裕國事宜。帝嘆為解角。授成功大將軍印。予伯爵。時閩中戰守機宜。悉鄭氏為政。而芝龍有異志。紹宗患之。成功嘗獨入侍。見紹宗有憂容。頓首曰。陛下鬱鬱得毋以臣父有異心乎。臣受厚恩。義無反顧。願以死捍陛下矣。冬十一月。明朱成功走金門。先是經略洪承疇言於貝勒博洛。賂芝龍以伯爵。芝龍復書有曰。遇官兵撤官兵。遇水師撤水師。傾心貴朝。非一日也是年六月。芝龍詭稱有海警。馳返安平。盡撤水陸防兵以隨。諸將多不從。紹宗降手勅留之。中

使至河干。而芝龍已飛帆過延平矣。博洛遂傳長驅入閩。紹宗在汀州遇害。至是博洛遣固山額真韓岱統兵入安平。馳書芝龍言兩粵未平。已鑄關廣總督印以相待。芝龍大悅。成功與鴻遠痛哭諫不聽。成功去金門。芝龍召之同行。成功復書拒之。芝龍所部僅五百人。從至福州。皆令雜髮降。明朱成功率部衆入海。鄭芝龍既降。博洛慮其有反虞。乃分練其五百人於各旗。今不得相見。夜半忽拔營起。芝龍曰。吾子弟皆不馴。今擁兵海上。脫有不測。將奈何。博洛曰。此無與爾事。亦非吾慮所及也。芝龍既北行。成功悉率所部入海。芝約奉母居安平。十二月明朱成功起兵海上。以圖恢復。成功初受大將軍印。未幾以母病辭。返延平。故雖受殊恩。未嘗與兵柄。一旦已聞父北行。紹宗遇害。乃悲歌慷慨。攜儒冠儒服赴孔廟哭奠之。曰。昔為孺子。今為孤臣。向背去留。各有作用。惟先師鑒之。自金門回安平。會文武羣臣誓師恢復。有曰。本爵乃大明之臣子。縹緲然實中興之將佐。披肝無地。真諸英傑。共申大義云云。用招討大將軍印。稱罪臣國姓成功。出家帑犒軍。大拜諸將。訓練士卒。整飭船隻。往來島嶼以觀變。

四年夏四月。明朱成功復海澄。先是博洛使人挾鄭芝龍北行。隨親統馬步兵入安平。芝約倉卒棄城。率家屬登艤泊外海。成功母田川氏獨留守。兵入掠其宅。氏夜創剖腹死。成功聞報痛哭出師。全軍皆縞素。師至博洛見帆檣雲集。軍容烜赫。大懼。星夜引兵還泉州。成功遂取海澄。入九都。秋八月。明朱成功會定國公鄭鴻逵之師攻泉州。不克。鴻逵遣人語成功。言安平地方褊小。且無險要可守。勸之取泉州。願以師助。於是成功至自九都。會師於泉之桃花山。在籍御史沈佺期光祿卿林樞。主事郭行甲。推官諸葛斌。皆舉兵應。降將提督趙國祚迎拒。敗績。還漳州城。復敗。

其援兵斬其援將解應龍守西城將楊我鄉官郭顯約內應誠事鴻試已率兵逼城全軍覆沒顯一門皆遇害城中防守益嚴漳州守將王進亦降將也揭言合潮州援兵數萬至直搗安平成功遂馳歸練兵積餉圖再舉冬十月明朱成功頒隆武四年戊子大統歷於海上時永歷帝已於三年十月即位於粵中至是成功猶未得確耗因從大學士路振飛曾櫻議仍稱隆武四年頒歷用文淵閣印鈐之

五年夏五月明朱成功復同安成功攻同安守將祁光秋出戰成功遣將甘輝敗之光秋遁走成功取同安秋八月終羅等復取明同安唐之朱成功部將邱繼林壯猷金作裕知縣葉翼雲救諭陳鼎皆死之羅合降臣李率泰陳錦攻破同安以城內堅拒唐之血流溝渌為之滿明朱成功遣前中書舍人江于燦黃志高奉表於肇慶成功至是始知永歷帝立加額曰吾有君矣遣于燦等航海赴行在明朱成功復詔安成功在銅山等處募兵練餉詔安縣人林日灼獨拒之成功遣將甘輝擊斬之遂得詔安冬十月明封朱成功為威遠侯成功尋復雲霄降將張國柱敗沒守備姚國泰就擒

六年春三月明朱成功屯兵分水關遣將黃山破惠來海澄陳斌歸之斌號大巴掌有勇力數百人不敢近至是來歸成功授為後勁鎮秋七月明進封朱成功廣平公

七年春正月明朱成功復潮陽知縣常望鳳降夏四月明朱成功攻揭陽之新隼寨克之尋詔安張禮率眾數千歸之六月明朱成功討降將蘇利於碣石衛不克旋師圍潮州成功率舟師討利風逆不利回師圍潮州降將王邦俊聞警率兵取雲霄詔安成功部將柯宸樞迎戰以礮矢

盡金軍皆沒成功開之大痛曰不恨失蒲詔恨亡宸樞耳遂解圍去 秋八月明朱成功取廈門金門及金兩島為鄭彩鄭聯所據芝鵬芝莞勸成功取之成功將施朗說尤力時彩遂出惟聯在廈而嗜酒厚謂不取反資敵為非計成功不得已從之遂併兩島軍威大震 冬十月降將蘇利陽惠來明朱成功部將盧爵知縣汪匪兒之利傾知成功回廈門潛師襲破惠來爵戰死匪自刎死 明朱成功取銅山南澳閩安諸島成功命洪政招安諸島悉聽約束 十二月明朱成功率率舟師援粵乘成功聞廣州事急乃以芝鵬守廈門自率諸鎮南下勤王

八年春閏二月降將總兵馬得功襲入廈門明前大學士曾櫻死之得功旋遁去時朱成功師次平海衛降臣巡撫張學聖乘其遠出檄得功襲廈門親率大隊繼其後適潮大漲波濤洶湧學聖大懼引兵還得功亦逸去 夏四月明朱成功復廈門成功聞廈門有警急率兵返至則馬得功等已去成功移師屯金門之白沙親閱各要口築礮臺撥勁旅守之會其將施朗有標兵曹德紀法朗將殺之成功馳令勿殺朗斬之急走降於李率泰改名琅授副將 五月降將總兵王邦俊與明朱成功大戰於漳浦之南溪敗績邦俊師潰遂閉門不出 冬十一月降將提督楊名高與明朱成功兵戰於小盈嶺敗退泉州名高聞王邦俊敗於馬口統諸軍繼進至小盈嶺伏左右起兵潰沒幾盡遂遁返泉州 十二月明朱成功復漳浦成功乘勝進薄漳州城守將楊世德陳克策出降遂復漳浦

九年春正月明朱成功復海澄漳州人周全斌率眾歸之 三月明朱成功復長泰進攻漳州降將總督陳錦為其下所殺成功攻長泰錦率師救之與成功大戰於江東橋大敗退返泉州於是

平和詔安南靖皆下。進討漳州。會歸家奴陳成棟等刺殺錦。以首獻成功。成功厚恤成棟家而斬之以徇。曰。僕隸之人而皆戕其主。是天下無刑也。軍中大服。

十年春三月。明朱成功遣定西侯張名振率師入長江。名振破京口。截長江。駐軍崇明。獲叛將金允茂於金塘山。磔之。成功復益以師。令陳輝王秀奇洪旭周全斌偕行。至羊山。颶風折兵十之一。惟名振全軍無恙。夏四月。固山額真金礦攻海澄。明朱成功禦卻之。時城壞十餘丈。成功坐將臺。指揮自若。忽一夕。礮營空。礮遽發。成功驚曰。敵將臨城矣。勒兵持斧以待。令曰。敵至方砍礮。麾眾登城。城上萬斧齊下。隨砍隨墮。壕為之平。質明。地道火發。復焚斃無數。礮遁返漳州。六月。明封朱成功為漳國公。冬十二月。明張名振大敗崇明。駐防兵於平陽沙。駐防兵萬餘渡江。名振鼓眾迎之。防兵盡殲。無一返者。

十一年春正月。明朱成功復遣張名振率師入長江。海船數百溯流而上。再入京口。歷儀真至觀音門。泊金山。登山望祭孝陵。揚帆東下。復以海艘上鎮江。主儀真。以沙船六十入山東。登萊諸處直抵高麗而還。二月。遣使入閩講款。明朱成功拒之。時賂成功以海澄公。成功不受。蓋出兵大捷。福興漳泉諸郡。秋八月。復遣使入閩講款。仍不就。時遣學士葉成格。理事官阿山。偕鄭芝龍四子渡入閩。許割福興漳泉四府地歸明。成功拒之如故。具報。兄書來曰。萬一不幸。父惟有縞素復仇。以結忠孝之局耳。復遣書與渡。有曰。兄用兵老矣。豈有舍鳳凰而就虎豹者哉。惟吾弟善事父母。勿以兄為念。使者返。朝命錮芝龍於高牆。成芝豹於寧古塔。冬十一月。明朱成功發水陸師應李定國於廣東。不利。成功遣林察等配戰艦送廣東。簡奏詣行在。會定國合師圍廣州。尚可喜狀

繼茂急請滿兵至。定國攻之不克。引還。林察等亦退。十二月。明朱成功復漳州。成功襲破漳州。劉國軒等降。十邑皆下。泉州屬邑亦望風歸附。

十二年春正月。明朱成功復仙遊。改中左所為思明州。分所部為七十二鎮。立諸賢館。儲才館。察言司。賓客司。印局。軍器局。設官理事。勸學。取士。奉前監國魯王暨盧溪甯靖諸王居金門。禮待避地遺臣王忠孝等為上客。夏五月。明朱成功遣張名振復舟山。成功拜名振為元帥。陳輝洪旭陳六御副之。統二十四鎮入長江甯波。守將張洪德降。進攻舟山。總兵包臣功降。改名臣興。六月。明朱成功取揭陽。遂取普寧。成功遣將黃廷萬禮等率二十鎮南下。揭陽普寧相繼下。閩督劉清泰遣書成功有曰。固山枕戈久矣。有不能頃刻待。成功覽書笑曰。彼以勁旅扶吾。吾豈懼一固山哉。不報。朝命鄭王世子濟度為定遠大將軍赴閩。成功從馮澄世策。堅安平漳州。惠安南安同安諸城。回師廈門。

十三年夏四月。世子濟度攻明廈門。復攻金門。皆敗還。先鋒韓尚亮掠廈門。會颶風大作。復大雨淋漓。船不得泊。滿兵皆顛眩。斷旋棟。鯨之聲震蕩魂魄。其被風飄至兩島者皆斷其手。掌縱之歸。時濟度偵知朱成功積聚在金門白沙寨。令王進功攻之。甫出港。遇洪旭哨船。乘波酣戰。復大敗。遂退入泉港。六月。明朱成功部將黃梧以海澄來降。先是蘇茂以揭陽之賄。伏誅。劉梧鎮甲五百。命代王秀奇守海澄。梧尋雞髮來降。陳勦海五策。一屯沿海以堵登岸。二造小舟以圖中左。三清叛產以裕招徠。四餉奸商以絕接濟。五剗偽壻以洩衆憤。朝命以前封成功海澄公之印授梧。梧薦施琅為副將。秋七月。明朱成功取閩安。進攻福州。尋退屯閩安。成功三戰三捷。斬副將胡

希玠擒參將張禮於其守將望風降成功不為備會城外伏兵起成功倉猝乘潮解旋退冬十二月明朱成功攻羅源復攻甯德梅勒章京阿克襄陣歿濟度聞羅甯之警遣阿克襄往援與成功將甘輝戰於護國廟賊緝輝斬之全軍潰走朝命撫臣佟岱致書成功議款成功不報

十四年秋七月明朱成功攻興化黃巖遂取台州天台太平海門衛相率歸附尋聞安為降臣總督李率泰所誘降成功恐兩島有失率舟師回廈門冬十一月明朱成功復臨汀寨從陳霸免取之以足殲也十二月明遣使冊封朱成功為延平王招討大將軍賜尚方劍便宜行事成功欲取江南乃遣楊廷世劉九皋間道請旨引諸葛亮言謂勢不兩立廷議壯之遣使晉封爵秩令進師江南伸大義於天下

十五年秋七月明延平王朱成功兵部侍郎張煌言會師大舉北上次羊山颶風作旋師舟山成功大舉攻南京以提督甘輝為前部總兵馬信萬禮繼之自統大眾為合後侍郎張煌言為監軍揚帆北上從行戈甲武士十七萬五萬習水戰五萬習騎射五萬習步擊以萬人往來策應選力能舉五百觔者披鐵鎗給以朱碧虎文留兩目執斫馬大刀立陣前砍馬足號曰鐵人望者以為神兵左虎衛陳魁統之師既行平陽瑞安守將皆獻城降次羊山會颶發碎巨艦數十漂流士卒八千成功之四子淹七子浴八子溫皆溺焉成功冠帶起祝曰成功統率三軍抵復中原如天命有在即將諸船沈滅神其鑒諸祝畢風頓止乃旋泊舟山理楫以為後圖九月明朱成功復象山成功舟師象山知縣徐福率父老降

十六年夏五月明延平王朱成功兵部侍郎張煌言復會師大舉北上以援漢時間貝子洛託等

兵三道入滇度江南無備復乘機出師。六月明朱成功復瓜州鎮江前鋒張煌言抵瓜州明日成功率部將甘輝等東風潮還進標江朱衣祚等率師出禦敗績成功乘勝進佔城遂潰成功留左鎮劉猷守之而親統全軍南渡攻鎮江守將告急於南京以鐵騎三千赴援三進三卻成功令發大礮江水騰沸兩岸屋瓦皆震於是南京蘇常諸道援師畢集分五路進大戰於楊蓬山時成功兵上陸者僅二千諸會援者皆一時宿將提督管効忠尤號善戰而是日激戰之終局其部衆四千存者百四十人援兵僅存什之一効忠遁南京嘆曰吾自滿洲入中國十餘年未有此死戰也鎮江既破屬邑皆下成功引兵而西部將甘輝請北取揚州斷山東之師南據京江絕兩浙之糧嚴扼咽喉號令各郡南都可不戰而定成功不聽。秋七月明朱成功師抵南京謁孝陵尋兵敗於城北門外崇明伯甘輝等死之成功既抵南京謁陵其哨卒七人掠江浦取之越五日蕪湖以降書至成功使張煌言率所部由蕪湖進取甯徽諸路安徽列城望風反正凡得郡四州三縣二十四維揚蘇常旦夕待變江楚魯衛人士詣軍門受約束歸許起兵相應東南大震成功至觀音門以黃安督水師守三汊河口親率諸將由儀鳳門登陸屯岳廟山總督郎廷佐使人卑詞以說成功曰我朝軍律守城過三十日罪不及妻孥乞寬三十日之限成功許之甘輝潘庚鍾力諫煌言亦有書至勸勿為敵所賣成功皆不以為意時警信至北京方議親征而崇明總兵梁化鳳知成功無備以兵卒數千夜穴神策門直搗其中堅以騎兵數萬繞山後出其背前後夾擊海師卻成功登艦逃甘輝潘庚鍾萬禮張英林勝藍衍陳魁魏標林世用洪復等皆力戰死。九月明朱成功回師廈門上表待罪立廟祀死事諸人成功還至廈門哭甘輝而後入曰早從將軍言吾

不及此立廟祀死難諸臣。以燁為第一。煌言遇貴州凱旋軍浮江下。亦戰賊走建德祁門山中。尋出天台以入海。

十七年夏五月。命將軍達素總督李率泰。分兵出漳州同安合擣廈門。明朱成功勦諸部扼守海門以拒戰。手自舉旗起師。風吼濤立。一海皆動。軍士踏浪如飛。北人不習水戰。暈眩不能軍。遂大敗。僵屍滿海。有滿洲精卒數百人棄船降。餘退陷於淖。十死六七。首領哈喇土星被擒。達素回福州自殺。自是終成功世無敢言覆島者。成功既歸。以廈門勢單弱。方謀所向。途遇荷蘭甲保（通事）南安人何斌。詰成功曰。臺灣公家之故土也。其地富強。為四省要害。且言可取狀。請為嚮導。成功覽其地圖。數曰。此亦海外扶餘也。留子經守廈門。而自以艦隊向臺灣。臺灣海中荒島也。明崇禎間。閩地大旱。鄭芝龍請於巡撫熊文煊。以船從饑民數萬至其地開墾。及芝龍去臺灣時。荷蘭人踞其地。互市。先築安平城。旋築赤崁城。全土歸其掌握。然城中荷蘭人不過二千。其餘皆鄭氏所遷之民也。

十八年春三月。明朱成功引兵自安平附近上陸。克赤崁。進圍安平。荷蘭人告急於巴達維亞總督。總督遣兵艦七艘赴援。中國邊吏致書臺灣知事哥依德。求合攻成功。相持數月。竟無功。冬十月。棄降將鄭芝龍於市。徙沿海居民禁舟出海。從降將黃梧請也。鄭氏在京者。無少長皆被殺。下令邊界禁漁船商舟出海。自是五省商民流離蕩析。而萬里皆邱墟矣。十二月。明朱成功取臺灣。改為東都。以赤崁城為承天府。置天興萬年二縣。時安平陷。重圍者已九月。兵士死者數千。而城堅守不下。成功乃使人告哥依德曰。此地乃先人故物。今我所欲得者土地耳。餘悉以歸汝。哥

依德知不能敵乃請降成功既占領臺灣內則組織政府興農業脩兵備定法制建學校用處士陳永華言築館舍以居明宗室遺臣之渡海者外則置兵金門廈門兩島與相犄角復通聘雙津省羣島及西班牙諸國以結外援焉

聖祖康熙元年夏五月明招討大將軍延平王朱成功薨成功疾革猶日強起登將臺持千里鏡望澎湖諸島是日登臺薨冠帶請太祖訓出生胡床進酒諫至第二帙嘆曰我有何面目見先帝於地下也兩手掩面而逝計成功自隆武丙戌起兵經營海外十餘載進取之志卒未能達及退據臺灣越年竟殒春秋三十有九子經嗣立是年永歷帝已先一月被難而經猶奉其正朔監國魯王亦殂於臺兵部尚書張煌言被執以不屈見殺建威伯馬信以哭成功過哀尋亦卒

八年春正月遣使入臺灣先是康熙四年降將施琅周全斌進兵臺灣不克而歸至是命大臣明珠蔡毓榮入閩與副靖南王耿繼茂遣使招撫加興化知府蔡天顏卿銜偕都督僉事李佺齎詔往朱經開明珠書函而不肯開詔陪使李佺因言殿下果肯休兵息民則當如朝鮮例不登岸不難髮易衣冠經以明珠書未及此遣其禮官葉亨刑官柯平隨使臣至廈明珠書謂必如陪使言而後可明珠欲令二使由角門入二使曰國有大小使實一體執行客禮數日不決乃議相見於孔廟二使終執朝鮮不難髮例明珠再遣天顏等齎書往以經為中國人不宜引朝鮮例自居荒外為言經謂天顏曰朝鮮非箕子後乎如朝鮮例則可議削髮則雖死不可覆總督李率奏書略謂來書引夷齊田橫等語夷齊千古高義未易齒冷即如田橫不過齊之一匹夫耳猶知守義不屈而況不佞世受國恩恭承先王之訓乎至衣冠我所自有爵祿亦我所自有而重爵厚祿永世

策封之語。其何以動海外孤臣之心哉。又復耿繼茂書。有謂東寧（時經改東都為東寧）偏隅遠在海外。與版圖渺不相涉。雖夷落部曲。日與為鄰。正如張仲堅遠絕扶餘。以中土讓太原公子。閣下亦曾知其意乎。閣下倘能以休兵息民為念。即靜飭部曲。慰安邊鄙。羊陸故事。敢不勉承。若夫疆場之事。一彼一此。勝負之數。自有天在。得失難易。閣下自知之。毋庸贅也。自是使節頻通。相安無事。經以其間開闢商埠。與西洋各國互市。興販貨物。分遣諸將。耕七荒地。策汗日。踰年而歲大熟。兵民大和。國勢日盛。

十三年春三月。明嗣廷平郡王朱經出師。取泉漳洲三郡之地。先是嗣靖南王耿精忠據福建反。正乞援於臺灣。許以漳泉二府酬之。經乃親率師渡海而西。與精忠合兵攻廣東。繼而精忠背約。經怒。遂自取泉。取漳。取潮。

十四年夏六月。明朱經遣將劉國軒等圍漳州。先是。經遣國軒入湖。與何祐徇屬邑之未下者。大敗尚可喜之兵於紫母山。追奔四十餘里。斬首二萬。有奇。捕虜七千。轉籍死者偏山谷。於是劉國軒何祐之名震天下。遂入漳州。擒殺嗣海澄公黃芳度。斫黃梧之棺。戮其屍。詔惠汀與邵諸郡相繼下。

十七年秋七月。明朱經將劉國軒下海澄。遂圍漳泉。先是康熙十六年二月。都統胡免復漳泉。經奔廈門。國軒亦棄惠州去。凡七府一時俱淪。至是國軒復出。沿洲壁連下十餘處。兵僅數千。飢寒馳突。鋒銳不可當。當事者委殷昨古。其敵技梧於是嗣海澄公黃芳世。都統穆赫林。敗於灣腰林。將軍喇哈達。都統胡免。敗於鎮北山。將軍賴塔。提督段應舉。敗於祖山頭。國軒遂取平和漳平。進

破海寇。斬總兵黃益。兵士死者三萬餘。馬萬餘。軍勢益振。乘勝下漳平。長泰。同安。略取南安。惠安。安溪。永春。德化。諸邑。國軒自圓潭遣兵圍泉。康王傑書時駐軍福州。不敢進。已而在籍。學士李光地為鄉導。引精塔兵由安溪間道出同安。泉州圍解。國軒退入海澄。時出窺漳州。相持年餘不決。

十九年春三月。提督萬正色督戰船由海赴閩。會總將姚啟聖。合攻海澄。劉國軒退至廈門。奉朱經畹臺灣。啟聖故仇鄭氏。必欲滅之。開修來館於漳州。以官商銀幣。餉送款者。臺中心腹。遂多攜貳至是。啟聖等以艦隊至。諸步船皆望風潰。國軒不得已。棄海澄入廈門。知廈門亦不可守。乃奉經畹臺灣。於是將軍賴塔與經書略謂臺灣本非中國版籍。足下父子自開荆榛。且瞻慎勝國本。朝亦何惜海外一彈丸地。不聽田橫壯士逍遙其間乎。若能保境息兵。則從此不必登岸。不必難疑。不必易衣冠。稱臣入貢可也。不稱臣不入貢亦可也。以臺灣為箕子之朝鮮。為徐福之日本。與世無患。與人無爭。而沿海生靈永息塗炭。惟足下圖之。經報書請如約。惟欲留海澄為互市公所。啟聖持不可。議遂輟。

二十年春正月。明嗣延平郡王鄭經薨。子克塽嗣。仍奉永歷正朔。經諫恭慈讓。好學。善射。自其敗東歸。潛倒抑鬱。薨。志以殛時臺人所奉永歷三十五年也。年三十有九。凡嗣位十有九年。

二十二年秋七月。降將施琅入臺灣。明嗣延平王朱克塽降。明判亡。克塽幼弱。諸事皆決於權臣馮錫範。人心益離。姚啟聖務欲滅鄭氏。方經在日略其近侍。施亥剗經。及克塽立。又賄其行人傅為霖。密約十三鎮同日叛。凡遺客暗殺劉國軒者。皆無効。至是與李光地同疏稱鄭氏王少國。

當時不可失。水師提督施琅習海道。可用。乃命琅率艦三百。水師二萬。自福建出發。又餌道士黃惟震以千戶之職。使人臺為間。琅兵方抵澎湖。而錫範已遣使來議降矣。琅遂率衆渡臺受降。自成功起迄克塽。奉永曆正朔三十七年。而明朝始亡。

編者曰。自順治十八年成功進窺臺灣。以匹夫之勢力。與歐西雄國為敵。而卒能躬獨立之局。為中華民國開其先河。使國姓爺之名。顯聞於歐洲者。凡二十三年。傳子若孫。乃滅。成功亦人傑哉。又慨自緬甸蒙塵之後。中原之統絕矣。而成功以一旅存故國。衣冠於海外。奉其正朔。後之君子。亦謂當日明之統未絕也。成功不可謂徒然矣。

清史紀事本末卷十

明起義軍之失敗

順治二年夏六月。明吳縣生員陸世綸沈自炳。起兵太湖。時兩京淪沒。南中人心洶洶。義軍四起。然民兵皆倉猝召集。未更訓練。餉械又不足。故不久即敗。諸主謀者皆先後死焉。明職方主事吳易舉人孫兆奎起兵長白溝。博洛兵至。不習水戰。易使部卒雜農民中。為之操舟。棹至中流。繫沉之。溺死無算。時部郎王期昇吳景宣等起兵西山。克長興。然兵不及易強。多棄之。未歸。明巡撫田仰監軍道荆本徹總兵張士儀張鵬翼太監李國輔起兵崇明奉義陽王。以舟師駐崇明沙。明生員任源遠吳福之徐安遠起兵太湖。源遠見所在起兵。求可與成事者。皆不當意。及福之舉義。約源遠同就李總兵某合為一軍。明長興縣金有鑑起兵奉通城王。一戰拔湖州。進攻長興。吏員王士麟引兵會之。再攻再敗。士麟戰死。明吳淞提督吳志葵生員陸世綸等謀復蘇州。不克。世綸與吳易等合兵薄蘇州。志葵以舟師來會。前鋒營之與。領三百人斬胥門入。降臣侍郎李廷齡巡撫王國寶。歿兵城內。之與入城。不見敵。內自疑。過府學宮。滿騎突出。馳之。遂潰。之與與勇士韋志斌皆死。三百人盡殲。志葵易引軍退。世綸歸為僧。明貢生項志甯等起兵常熟。推原任知州嚴斌為主。方議城守。而降將總兵劉良佐引軍至。志甯死之。明宗室戚繼中書舍人盧象觀起兵聚江甯。不克。戚繼象觀至。宜興。收士卒攻溧陽。又敗。象觀遂亡入太湖。閏月。明江陰典史閻應元陳明遇起兵拒守。劉良佐屢攻之。屢敗。遂說之。應元曰。我一典史耳。尚不忘故國。汝爵為列侯。提重兵。不能捍衛疆圉。乃為敵前驅。何面見我耶。良佐慙而退。明江陰貢生黃

毓生員徐超起兵行塘時聞江陰城守起兵為應援明無錫生員顧景謀起兵不克果方起兵以應廣象觀遇邑人王如玉顧君起送款常州遇於砂山景命所部執之兩人大呼曰此賊也砂山團練倉猝未及辨羣起執果景不能自明遂害之已而砂山人知為果乃大悔立祠以祀之明常州生員張龍文起兵謀復府城敗死明餘姚在籍前九江僉事孫嘉績吏科都給事中熊汝霖起兵拒守時縣令役民修造諸役者皆誣嘉績私語之曰盡逃乎曰逃者死曰役死逃亦死盡死地求生乎役者曰將安計嘉績曰江東事未可知壯士歃手就死死無名今鄒邑舉義誠能合衆畫江守則大有功脫不勝猶緩旦夕死況未必然耶眾曰唯命乃率所役三百人馳入縣治新令以徇與汝霖同起兵明松江在籍前兵部右侍郎沈猶龍兵科給事陳子龍中書舍人李待問羅源縣知縣章開起兵拒守向壯士數千城守與志葵黃蜚相犄角明會稽生員鄭遵謙起兵復紹興遵謙善結客凡江蘇縣創之從日盛其庭杭州降遵謙集其徒號義興軍舉旗舉事殺山陰知縣彭萬里紹興知府張懷襲殺招撫使於江上表迎魯王監國諸義旗一時並起明分巡寧紹台道于頌起兵復富陽先是鄭遵謙新張懷迎頌入城賴西狗蕭山斬折令陳瀛貝勒博洛使以檄至又執殺之即夕起固陵登岸畫江以守博洛扎木禪擬渡頌遣死士陳勝等襲沈之知杭已有重兵攻不易乃分二道下流由橋司入海甯出海鹽以通震澤上流由潭頭入富陽通餘杭以扼獨松間降將卽千金城富陽遣副將劉穆等夜襲取之後江上師潰頌追扈不及歸以黃冠終明鄞縣在籍前刑部員外郎饒蕭樂起兵甬波與定海總兵王王之仁締盟共城守遣舉人張煌言赴台州表迎魯王監國明前兵部尚書張國維起兵東陽明甌山前總兵王佐才參將

陳宏勳游擊孫志尹知縣楊永言舉人周寶瑜貢生朱集璜陳大仕諸生吳其沆陶城歸莊顧夫
武各起兵拒守。城陷。佐才志尹寶瑜集璜城大仕其沆死之。明嘉定在籍前左通政侯峒曾進
士黃淳耀等起兵拒守。斬降將李成棟之部將梁得勝兵八十四級。復截殺成棟。婁東告急之號
聞四十。普東登城固守。明太倉生員王港起兵謀復州城不克死之。同殉者其兄澤與其友蔡
仲昭魏虎臣。明休寧在籍御史金聲詣生江天一起兵拒守。天一聲弟子聲謀起兵。天一日徽
州形勝地。諸縣皆有阻礙可守。獨績溪一面當孔道。宜築關隘。以重兵據之。與他縣為砥柱。遂築
叢山關屯軍其中。分守六嶺。明徽州推官溫璜起兵拒守。璜聞金聲舉義。結溪為犄角。給其軍
與為犄角。州人黃廣有督力運鐵礮重數十斤。凡十九戰。皆捷。後兵敗為僧。明前山東巡撫邱
祖德舉人錢龍文生員麻三衡沈壽堯起兵謀復寧國不克死之。祖德退歸山中。明前職方司郎
中尹民興生員趙初浣吳漢超起兵守涇縣。漢超聞北都之變。與湯廷佐謀募師赴難。南都立乃
止。至是南都又覆。乃與民興約初浣起事。明貴池副貢生吳應箕起兵復建德東流。時諸義兵
蜂起。有奉宗室朱威濃為號者。應箕起兵應之。題壁曰。韓亡子房奮。秦帝魯連恥。攻池州不克。同
事者皆去。應箕獨以計復建德東流。明前青陽知縣龐昌允謀起兵不克死之。昌允時棄官隱
九華山。與邑人孫象壯謀舉義。事洩被執。夜宿五溪橋旅店死。明嘉興在籍翰林屠象美吏部
郎中錢秉起兵拒戰於三塔橋。敗績死之。生員鄭宗彝鄭宗琦起兵拒守。亦敗死。同時殉義者前
吏部尚書徐石麒。前劍道守備項嘉謨。諸生張胡錢應金。明長興參將方元章。瓶窑副將姚志
倬。張起芬。起兵復餘杭。戰。元章死之。起芳被執。至杭州不屈。懸之樹間。射殺之。志倬明年冬合

餘衆攻江山。又不利。走依唐兆恒。同破永豐。秋七月。降將李成棟取嘉定。屠其城。侯峒曾黃淳耀皆閉門自盡死。明江西布政使夏萬亨分巡道王養正知府王域推官劉允浩史夏隆通判胡鎮起兵建昌。城陷。皆死之。萬亨等奉益王起事。王年少柔懦。不習武事。以戰守機宜委之永寧羅川兩郡王。羅川王乃與東鄉父命新父南英約諸紳集議。得劉琦楊獨龍僧丹竹等三十六將。王謝二巨室捐助軍餉。練鄉兵萬餘。分埤拒守。軍勢頗振。保寧王私送款約內應。城遂陷。萬亨等皆以不屈見殺。士民哀之。葬之沱江河側。題曰六君子之墓。同時殉難者有南昌諸生鄧思銘。明臨川在籍前吏部主事曾亨應揭重熙起兵撫州。時降將金聲桓遣裨將王得仁侵撫州。亨應與重熙及父南英募兵守禦。未集。而得仁兵至。衆皆亡去。明在籍左春坊左庶子楊廷麟左中允劉同升起兵贛州。時江西諸郡相繼失陷。惟贛州孤懸上游獨存。廷麟與同升謀邀贛撫李永茂集紳士勸輸軍餉。刻期大舉。明龍泉在籍工部右侍郎劉士楨起兵復泰和廬陵。士楨克二邑守之。明年復遣李子幹升從李陳王起兵信豐。為贛州聲援。明南浚水知縣胡定海起兵德興。敗績死之。同死者有揭新。明德化李含初起兵復德化瑞昌。尋敗死。含初傾家起兵。連破二邑。未幾其部將王拐子私款於九江守將余世忠。襲破之。含初遇害。同死者生員李映陽武生唐麻。鄧士鳳。熊九鼎。宗麻子。明德安郭賢操起兵復德安。遂復建昌。尋被執。賢操連破建昌。其部將高長子私通款。執賢操以獻。尋釋之。明年夏。集衆圖再舉。事覺。走死。後為余世忠所執。殺。同起兵死者諸生桂登魁胡飛。明瀘溪知縣張誠述貢生魏一柱起兵拒守。執新令李光送鄭彩礫之。明邱祖德被執於華陽山。塞送南京。不屈磔死。明麻三衛兵敗於稽亭山。三衛死之。八月。降將李成

棟居松江。明沈猶龍等死之。先是成棟兵圍城。紳董廷對謀內應。事覺。郡人磔之。時吳志葵黃蜚共結水寨於太湖。與城中相犄角。是月初旬。敗績。皆被執降。舉人傅毅之諸生戴泓同赴水死。已而有假蜚兵號者。突至扣門。猶龍納之入城中。脫皆髮髯也。守兵驚潰。猶龍出東門。中流矢死。同殉者舍人李待問。知縣章簡。教諭陸明永。尚寶丞徐念祖。衣工陸厚元。降將劉一鵬。攻峽江。明守將鄧武泰死之。進薄袁州。知府李時興死之。一鵬攻峽江。白之裔以城叛降。乘勝遂取袁州。降將金聲桓破吉安。巡撫曠昭死之。進取萬安。知縣梁于渙死之。于渙被執。聲桓欲官之。客有賀者。于渙曰。死我者可賀。而不可弔。官我者可弔。而不可賀。死者形立。官者神滅。豈可以神易形哉。自縊死。降將王得仁襲執明曾亨。應於臨川。亨應不屈死。時羅川永寧二王合兵出湖東。復建昌。乘勝拔撫州。亨應募卒數百。與相犄角。得仁潛自祝家渡濟師。倉猝不支。被執。得仁揖之曰。公義士也。時不可為。盍隨世以就功名乎。不應。捱數十詢之。如前。應諸樹間射之。終不屈。遂與長子錫俱死之。同殉者亨應弟和應。舉人王秉乾。諸生湯仲發。村里為墟焉。後二王兵亦敗。皆為得仁所害。明把總吳之藩起兵謀復嘉定。不克死之。之藩被執。降將馮嘉猷陳鼓吹羊酒。犒得勝兵之。藩大笑曰。我大明世臣。父子忠節。汝曹逆賊。狗彘不食。何敢以面目向人。遂被害。之藩父斗南於崇禎時以討流賊戰歿者也。降將李成棟取明江陰。閩應元陳明遇等死之。成棟既破松江。率所部十四萬圍江陰城。凡八十一日。三王十八將皆戰歿。兵士死者亦七萬五千有奇。會大雨。城崩。眾皆巷戰。死士女自殺者。池井為溝。應元明遇皆不屈自盡。降將李成棟襲明金山衛。指揮侯承祖死之。金山圍久不能拔。城外敗兵積屍與城際等。會有內應者。啟水門以入。承祖與子世祿

率親兵巷戰身受四十矢力盡被擒爲成棟死世祿亦不屈見殺 明盧象觀葛麟毛重秦陳坦

公敗績於太湖皆死之麟奮力戰所當披靡連殲百人於湖萬箭注之麟揮矛如風箭悉墮水乃

更以火攻舟俱始自沈象觀拜其衆曰我兄弟受國恩無以報空煩公等死有餘愧躍入水死重

泰坦公皆死之 明吳易孫兆奎敗績於長白湯兆奎死之先是降將李遇春率兵五十四艘自

平望至白龍橋列陣三十里易與兆奎合沈自炳自明之軍破走之已而降將吳勝兆敗盧象觀

等遂引兵追易兆奎率銳卒伏蘆葦中襲殺勝兆兵甚衆遂退俄合四郡兵至八面環攻時陰雨

連旬舉礮礮不震持弓弦解兵遂潰易南走兆奎被執送南京見洪承疇大言曰崇禎時有一

洪承疇者先帝親祭哭之今而又一洪承疇爲一人耶兩人耶承疇曰爾自爲一人事可耳驅出

斬之 明魏國公徐宏基謀起兵不克死之宏基爲匡復計樹幟募鄉勇千餘按戶出資助餉富

紳陸醇儒引降將田勝嘉兵剗執之遂與子文爵同遇害 明任源運吳福之徐安遠兵潰皆死

之吳易既敗源運軍亦潰與福之安遠同被執皆不屈死 九月降將張天祿襲涇縣明戶民與

吳漢超走免趙初沈死之民興善謀漢超善戰城圍既久攻城兵多損傷謂不亞於江陰也城陷

初沈被執漢超匿華陽山中民興走入閩中 張天祿襲續漢明金聲等死之聲起兵後連拔旌

德寧國諸縣降臣洪承疇遣天祿襲之嚴故御史黃澍詐稱援兵聲見其故衣冠而未雜髮也信之

城遂破聲被執至南京承疇欲降之聲之門人江天一同被執因朗誦忠宗諭祭承疇文以愧之

遂並見害同時死者有姜孟卿陳繼遇吳國棟余元英羅騰蛟閔士英汪以玉項遠洪士魁張

天祿入徽州明黃澍以城降溫璜死之璜聞金聲賊方嚴兵登陽而澍已獻城降矣璜聞門自盡死 明

池州推官吳應其兵收被執死之臨難時詒刑者曰無去吾冠將以見先朝於地下也就義處至今血跡猶存 明廣德太學生吳源長民衆君量起兵復州城進兵湖州敗死源長舉兵後子山與君量等攻破唐德進至湖州戰敗被執俱死之 明鹽城諸生司石磐起兵不克死之時同舉事之都司鄧某同被執欲脫石磐曰此書生吾刳之為書記者石磐大聲曰公言何謬吾實首事奈何諱之遂並見殺 明溧陽副將錢國華生員謝琢起兵不克死之環毀家輸餉不繼而濤 明淮安民人王翹林終鼎吉終鼎言等起兵雲台山復鹽城新化戰敗鼎吉鼎言死之翹林等奉新昌王攻克二邑鼎言鼎吉東場鹽丁也率其徒應之兄弟皆善戰饑不得食始被執皆不屈死新昌王亦被殺 冬十一月明陝西都督同知孫守法起兵復鳳翔守法奉秦藩第四子稱漢中王開邸五郎山檄召各郡兵將薄西安遣副將賀珍以義勇三千復鳳翔於是盤屋鄠眉涇陽三原臨潼澄城白水諸縣次第來歸軍鋒大振時東南義旗林立於西土則為僅見時論多之 十二月明僉都御史陳泰來起兵復上高新昌寧州萬載進攻撫州敗績死之舉人戴國士與泰來為姻已降權驛傳通金聲桓使之招泰來而以重兵躡其後國士甫入營而兵已壓陣遂戰同起義者舉人曹志明魯國祺鼎明時黃瑛黃國彥俱歿於陣

三年春正月明吳漢超襲寧國不克死之先是當塗人徐淮聚眾華陽與漢超合兵連復句容高淳溧水太平是日漢超襲寧國所部皆寧國人各顧其家莫有鬪志遂潰 明金有鑑攻長興敗死有鑑再攻長興不克與岑元泰徐昌明俱臨陣歿 二月明鎮國將軍常聚起兵新州敗績死之常聚與山王翹鉞子時與英山男子王六姐起兵斗方砦兵敗死之 明封孫守法武大定爵為伯

時甯夏甘肅神木靖邊各以兵來附。故有是命。三月明監軍道許文龍兵敗於奉鄉。死之。先是文龍起兵。逐新置官吏。屯師奉鄉。城圍三月。糧盡。走保介首。皆食復盡。被執遂死。夏四月。明新城知縣李相起兵拒守。城陷。死之。相招新城徐伯昌募義勇千人。與監軍張家玉共城守。而兵已從間道入。遂見殺。同殉者諸生楊應和楊居久。五月。明諸生張飛達聚金山衛。不克。飛達嘗聚眾從吳易於長白蕪。賊敗。失大將羅騰蛟。至是謀取金山復賊。六月。明吳易被執於長白蕪。不屈。死之。易初敗於長白蕪也。潰圍走是年春。吳江人周瑞復聚眾於長白蕪。迎易入其營。未幾眾潰。與易並獲於杭州草橋門。其曉將孫瑋如略文周志籍皆死。冬十月。降將金聲桓屠明忠誠府。明楊廷麟萬元吉郭維經等死之。贛州自四月被圍。廷麟元吉協力拒守。復設忠誠社於城內。號召才智。遠近毀家入社者幾三萬人。是年六月。前南甯巡撫李永茂遣兵五千至。戰於李家山。九牛山之間。連拔圍。暫解。堅守既久。明帝諭獎賜名忠誠府。至是開帝被難汀州。雲南兩廣諸援師悉潰。合城氣索。值是日天霧且雪。聲桓乘夜登城。廷麟猶督鄉勇巷戰。黎明城上爆炸。城裂。遂陷。全城被屠。廷麟元吉維經皆自盡。同時死者太常卿彭期生都御史楊文薦御史姚奇胤推官吳世安通判唐周德郭甯倫主事周湖龔崇林瑞王其宏及弟其濤黎遂球曹嗣宗錢謙亨于斯昌柳昂霄知府吳國球知縣陳然林逢春同知王明汲盧觀象訓導胡董明徐君鼎副將馬觀鵬都督僉事劉天賜參將朱永盛衛千戶孫經世與其弟緯世絃世監紀鼎邦族與其子士堦士煥給事中萬於祥舍人袁從諤劉孟鶴劉應試提學副使符遊中及其兄述中馬平知縣謝讚及其子胤緒從子胤斗判官周世光舉人劉曰倫貢生楊萬言諸生童繼卿馮復京余學義歐陽胤天。

郭必昌金之杰。友汝能。莊某王統王純周葵陳君猷段之渾蕭瑛楊燧鄉約謝明登書工趙廷瑞
織人熊國本。此次死巾之烈說者謂與史可法之守揚州瞿式耜之守桂林為後先輝映云。十
一月明無錫生員王謀起兵謀復常州敗死。謀本姓杭副王氏率鄉兵萬人夜薄郡城師潰見殺。
十二月明黃毓祺徐超襲江陰不克超死之。毓祺走免超之起兵行塘也江陰破走淮南山中。
至是偵知城中無備率王春等十四人來襲不克超與十四人皆死毓祺走免。

四年春正月明前都御史張家玉舉人韓如璜起兵復東莞南三日而兵至遂敗走。明兵科給
事中陳邦彥起兵攻廣州不克邦彥說萬元吉潰將余龍以其眾二萬餘攻廣州而已發高明兵
由海道入珠江與龍會師龍率眾自甘竹灘出沿途焚水師數百艘直抵廣州李成棟返救揚言
取甘竹灘龍卒頗家輒引去邦傳亦卻歸。二月明福建人洪有柏起兵復漳浦城尋陷死之有
柏糾海濱壯士數百入據漳浦守之未幾城復陷被執大罵死有楊凍者亦不屈見殺。明賴天
肖起兵潮州殺降將文貴陳虎余成隆同時陳順簡信起兵韶州蘇來起兵惠州黃奇策起兵新
會。明陳邦彥遣兵復順德邦彥遣其門人馬應房以舟師會余龍取順德。三月李成棟復取
順德明陳邦彥退據下江門戚林再取順德馬應房戰死余龍亦敗退邦彥棄高明據下江門。明賴熊復
建陽。明孫守法復寧州守法與高勳破寧州拔興安之喬參山。明張家玉再復東莞先是韓
如璜敗歿家玉走西鄉西鄉大豪陳文豹奉之會故南海指揮安宏猷與訓導張治再起兵襲東
莞殺知縣鄭奎典史張元鼎乘勝遂取新安明林所復德化再攻建陽敗死降將蔡應科洋戰質
戰敗被執死之。夏四月降臣孟喬芳襲興安明孫守法死之喬芳伏甲森林以輕騎誘守法出

執之。守法揮鐵鞭格殺百十八人乃死。松江提督吳兆勝謀以松江復歸於明。事覺被殺。明侍郎沈廷揚、陳子龍給事中楊廷樞等死之。兆勝以事洩殺告變之。同知楊之易推官方重朗下令入海。其中軍唐世勳都司高永義執兆勝送總督洪承疇殺之。捕子龍廷樞至。皆不屈死。同時被禍者推官顧咸正及其子諸生天達、天適、夏之旭、夏完淳、侯岐曾、徐爾穀、錢樞、殷之輅、張寬等凡數十人。沈廷揚以海師來會。師潰被執。送洪承疇與部下十二人同見殺。其親兵六百。無一降者。時比諸田橫之士。舟山人聞廷揚死。哭聲如雷。立祠祀之。明岑本高等起兵攻滿城。賊死本高。與王思春、江中英、江中元、張文耀、朱國貞、劉國球同攻滿城。有原任監軍吳承吳、徐元毛、文傑、張裔元約為內應。本高等既敗。殺國貞降。盡洩承吳等謀。遂皆見殺。襄陽副將王光泰以襄陽復歸於明。光泰據襄陽反正。奉永曆年號。殺荆南巡道甘文奎。進據鄖陽。結陝賀珍、武大定為援。降將孫定遠率兵援鄖陽。馬蹶沒於河。侍郎喀喀木副將王平渡河進擊。光泰走防縣。尋走四川。明鄒西王復建寧、邵武。鄒西王既復建寧。遣其將王祁復邵武。五月。明副將周金湯復永州。金湯糾壯士二百人夜復永州。秋七月。明大學士陳子壯起兵會給事中陳邦彥共攻廣州。敗績。子壯起兵九江村。兵多瑩戶番人。善戰。約邦彥共攻廣州。結故指揮楊可觀等為內應。事洩。可觀等死。子壯退駐五羊驛。時李成棟方攻張家玉於新安。邦彥與子壯謀伏禺珠洲側。伺成棟還救會城。縱火焚其舟。如其計。果焚舟數十。成棟走下風。引而西。邦彥尾之。會日暮風轉。成棟順風追擊。遂大潰。子壯長子上庸戰死。走還九江村。邦彥奔三水。明縣丞徐定國復懷集。懷集城陷。定國匿山中。至是以計復城。秋八月。李成棟襲高明。明大學士陳子壯御史麥而炫主事朱寶蓮

死之而炫復高朋迎子壯於九江村共守縣治成棟兵至甯遠戰死子壯而炫執至廣州成棟與
佟養甲怒子壯寸磔之投骨四郊而炫從死明舉人杜璠李皇一起兵攻肇慶賊死明王祥
起兵復遵義九月李成棟破清遠明給事中陳邦彥指揮白常燁生員朱學熙死之邦彥之奔
三水也清遠指揮白常燁以城迎奉乃入清遠與諸生朱熙嬰城困守城陷常燁等死之邦彥與
其子和尹虞尹皆被殺冬十月明兵部尚書張家玉兵敗於增城死之家玉募兵萬餘分為龍
虎犀象四營據增城李成棟兵至家玉大戰十日力竭而敗投野塘死同及難者家玉之師林有
及指揮靈璧安宏猷訓導程卿張治舉人張恂尹斌明中書舍人陳世亨起兵復瑞安敗績死
之時同舉事者有鄧藩理援兵不繼被執見殺明侍郎林汝素員外郎林塗起兵復福清賊死
時同死者尚有記室葉子器十二月明御史李長祥主事王翺華夏屠獻宸評事王家勣推官
楊文琦董德欽生員杜懋俊施邦炘謀襲甯波不克夏獻宸家勣德欽懋俊邦炘皆死之先是長
祥等謀洩降紳謝三賓告變兵至皆被殺

五年春正月江西總兵金聲桓以南昌復歸於明聲桓與副將王得仁來降後巡撫章于天巡按
董學成遇之倨且勒賄無厭又聲桓師維揚僧道宗每勸其改圖至是下令諸營悉爾出諭安
民稱隆武四年凡軍民之縉帽者射殺之戕學成及副使成大業禽章于天迎太保姜白廣入為
盟主傳檄遠近全省復歸於明惟贛州未下明前大學士朱繼祚起兵復興化繼祚與明魯同
安伯楊耿合攻興化監司彭遇應紹守將出戰即登牌易明幟開城迎繼祚入守之三月明遣
長王起兵蘭州不免死之回人米喇印丁國棟據蘭州擁立遠長王降臣孟喬芳張勇合兵擊敗

之王被執死之。明前兵部尚書周損安慶知府傅夢鼎潛山典史傅謙之起兵六安。敗績皆死之。時英山霍山間義旗紛樹。有寨主洞主四十八所。石城王立飛旗寨。周與猶子羽儀率鄉練數百歸之。奉以起事。兵賊皆自殺。同死者諸生桂蟻僧義堂。明主事王翊復起兵四明山。翊與屠獻宸等謀襲甯波。不克。率所募兵入山。尋破上虞。殺攝印官。浙東震動。未幾杜松山圍練。導兵攻破之。翊以四百人走依戚遠。將軍天台峒主俞國望。旋自天台至四明。擊散圍練。隨道收合。得萬餘人。再破上虞。結寨於山之西北境。曰大蘭山。號大蘭洞主。於山中設五營五司。五營主軍。翊統之。五司主餉。諸生王江主之。江善會計。量需以勸。履畝而稅。兵無盜糧。謂信賞罰。眾士悅服。四明之有訟獄者。不之官而之大蘭。四明二百八十峯之租賦。亦不之官而之大蘭。胥吏無敢下鄉。凡兵則遠伏眺望。列城畏之。若老熊當道。城門盡閉。如是者數年。明朱繼祚兵敗於興化。死之。城破。繼祚與參政湯芬給事中林崱知縣都廷諫皆自殺。明鄧西王兵敗於建甯。死之。其守將王祁興不勝自焚死。夏四月。署兩廣提督李成棟。以廣東復歸於明。先是成棟既降。從軍福建廣東江蘇各首所向有功。而僅授提督銜。怨望形諸詞色。愛妾張氏常勸之反正。慮成棟戀眷屬。因自刎以絕其內顧。成棟大哭曰。女子乎。是矣。拜而殮之。至是。剗總督佟養甲同反正。奉永歷州遣人齎表赴南甯迎駕。明荆江侯張先璧復靖州。遂復沅州。時沅州道蘇國士以沅州復歸於明。五月。副將陳友龍以武岡復歸於明。秋九月。明前涪州知縣王熾起兵復廬州。熾與曹胤昌起兵破廬州。不守。轉戰蕪黃間。又與霍山侯應龍等合攻霍山。不下。冬十一月。明都昌在籍前督師余應桂起兵援南甯。賊繚應桂家。居間。南甯圍急。起兵率舟師往援。進至落星湖。敗績。時起兵赴

援者。尚重熙傳鼎鑒劉士楨孔徽元孔徽哲蔡觀光皆敗績士楨徽元徽哲觀光皆死之。明九江生員金志達僧了悟起兵復東流建德尋敗死志達與了悟集眾萬餘結營鄱陽彭澤間出戰池州取東流建德旋敗殲。明前哨夏巡撫李成慶起兵平陸克潼關連復蒲州解州時大同總兵姜瓖反正復寧武等處在籍鄉官萬鍊劉遵王永強皆舉兵應據榆林窺西安虞變乘勢起兵克潼關及蒲解二州。

六年春正月固山額真譚泰等屠南昌明前大學士姜曰廣豫國公金聲桓建武伯王得仁死之南昌自五年七月被圍糧盡人相食聲桓部將湯執中守進賢門約內應引兵梯壘以登城遂陷聲桓投城東湖曰廣投僕家池得仁及宋奎光劉一瞻郭天才皆巷戰死。明侯應龍等兵敗於將軍寨死之應龍與張國容王國士等起義有眾萬餘與王熾合攻霍山不下退取舒城潛山自劉家園出攻獅子寨及南關拔之營於將軍寨至是寨破俱死之。三月明惠國公李成棟兵潰於信豐死之成棟踰嶺攻贛州不利退駐信豐譚泰兵至時天久雨成棟發砲不然左右挽之上馬渡河三日後有見懷甲抱鞍植立水中者始知成棟死也。明黃毓祺謀再起兵通州事覺被執死之毓祺自江陰走免後偽為卜者游通州主湖蕩橋之薛繼周家將起義遺書錢謙益借貲充餉謀益卻之徽州人江統一告變毓祺繼周及武舉許彥達同就江寧獄尋俱就義。秋九月明李成慶兵潰於平陸死之時姜瓖萬鍊劉遵王永強皆敗殲虞變子宏戰敗於平陸山寨投崖死虞變被執不屈死。

七年春二月明總督鳳陽義軍尚書王熾兵敗被執不屈死之熾奉命總督鳳陽義軍率眾連戰

潛山太湖間兵敗執至江寧不屈死於是皖省義師略盡矣

八年春三月明永州諸生鄧光遠被執不屈死明傅鼎銓招兵廣信被執程鄉之賊鼎銓走依平西伯張自盛於閩自盛敗死於邵武鼎銓走廣信募兵為守將伯復後不屈死夏五月明揭重熙兵潰於貴溪被執張自盛戰歿重熙走依曹大鎬至百丈磔方就炊游騎偵知猝召防軍至圍之遂被執鼎銓大鎬亦敗歿於岑陽關明皇子生員吳江將再起兵敗死前督師余應桂死之先是江起兵應南昌已敗走都昌得舊鎮將張士彥之標將黃才兵部勒之將復舉才陰歿於潯執江以叛江死應桂自落星湖敗後復傾貲募眾聞江兵潰往援降將楊拔以步騎奄至應桂與子諸生顯臨同被執見殺秋八月明王翊招兵奉化被執不屈死之翊間降臣陳錦等三道下舟山復入山集散亡為援由奉化出天台至北溪為團練所執每日求賄探報謂守者曰使汝曹見此漢官威儀也至定海錦命散射之遂與其僕石必正明知並見殺秋九月降將陳邦傳擊清遠衛明指揮白常燦死之邦傳以兵至常燦不知其已叛迎之既知則大罵遂死於亂刃下冬十二月明故少傅朱國禎之孫某起兵南潯鎮敗死朱某起兵湖州之南潯鎮有眾數千出沒吳淞泖澱間轉戰白龍橋北被執不屈死

十一年春正月明進士徐敬時楊文奎克升起兵廣信尋敗死敬時等舉兵廣信之九仙山寨俄寨破皆被殺

十三年秋八月明前魯戶部主事王江復起兵四明山賊績死之王翊之敗也江走杭州旋入海再入長江會沈調倫復起山中江赴之至是兵敗江與調倫皆敗殲休寧趙立言復以餘眾攻

江山竟之趙日師大休之役數十人馬溺墜水死於山莊死